

NZUMBULULO, NDIMA YA VHUNA TSHIPIDA TSHA I

 Amen. Rendani ene Murena. [A hu na tshithu kha theiphi—Mudz.]...mune. Ndi humbula uri ndi kwone kuhumbulele kwa vhatu vhanzhi. Ndi zwavhudzi nga maanda, khaladzi mułuku henefho, iyo ndima ya u fhedza. Ndi a zwi livhuwa hezwo. Huno ri...ri tshi da kha madekwana a Nwaha Muswa a thi humbuli uri ni nga imba tshiñwe tshithu tsha khwine, tsho teaho vhuno vhusiku.

² Zwi vhonala u nga ri khou thoma ñwaha zwavhudzi; uh-huh, wavhudzi na mahada na u suvha nn̄da, mutsho wa vha Indiana nga tshino tshifhinga tsha ñwaha. Ngauralo vhoiñwi vhatu u bva Georgia ndi a ni vhone hafha, na n̄tha ngei Ohio. Zwino, Mukomana Dauch, inwi na Khaladzi Dauch ni a ñivha zwine zwa vha zwone, vhunga Ohio u tshi fana. Huno...fhedzi, ri khou kha Shanho line a hu nga vhi na tshithihi tsha izwo. Uh-huh. Ndi tshone tshithu.

³ Haya ndi madekwana Nwaha Muswa, madekwana. Huno, a hu na zwiñwe, muñwe na muñwe u na muano wo ñwaliwaho huno na khumbelo ine na khou ya u ita lwa Ñwaha Muswa, zwenezwo nga duvha phanda ha matshelo yothe i do vha yo no vundiwa. Huno ngauralo, ni a ñivha, ni vula siatari liswa ñwaha muñwe na muñwe, huno zwenezwo na tibula matsheloni a no tevhela, na zwi ita hafhu.

⁴ Fhedzi hu tou vha na tshithu tshithihi tshire—tshire ndi nga takalela u amba, huno zwi nga zwine Muapostola Paulo o amba, “Ndi tshi hangwa izwo zwithu zwi re murahu, phoswo dzanga dzothe na zwithu zwe nda ita, Ndi gidimela kha dzanga la mbidzo ya n̄tha kha Kristo.” Ndi hone u ñisola fhedzi hune nda vha naho ndi phoswo dzanga dza ñwaha wo fhiraho, na tshipida tsha divhazwakale ya vhutshilo hanga, huno ndi tou Mu humbela tshilidzi tsha u ya phanda kha dzanga la mbidzo ya n̄tha. Ndi a kholwa hovho ndi hone vhuñanzi ha—ha rothe, ri do ñi pfa nga yeneyo ndila.

⁵ Ri humbela pfarelo uri ndi vhusiku vhu si havhudzi na—na vhatu a who ngo kona u da. Huno ndo vhidza Mukomana Neville, ndo vha ndi sa zwi ñivhi na zwauri u ño da hafha kana hai. Huno na Mukomana Skaggs o da, huno u bva kule fhasi ngomu Kentucky hune ndi milenzhe miraru kana khwine fhasi henefho. Huno ngauralo...Kana, “Zwi ngaho hezwi,” a ri, ngauralo o vha na rabulasi we a mukokodza zwifhinga zwinzhi huno a mu vheyen n̄tha ha tshikwara nga ñderetere. Huno ngauralo

nda elekanya, "Zwo ralo, arali dzi tshi tou vha mbili kana intshi tsharu, ro vha ri nga si vhe na thaidzo ya hezwo, uh-huh, tenda fhedzi zwo tou ralo." Fhedzi ndila dzi a fhireya na muňwe na muňwe a tshi khou bvela phanda.

⁶ Zwino, a hu na zwiňwe, madekwana a ńamusi ndi madekwana ane ra pfa u bva kha vhashumeli vhanzhi vho fhambananaho, vho fhambanaho vhane vha dzhena ngomu. Huno nga khonadzeo vha do vha vha tshi khou da nga zwipiđa zwo fhambanaho zwa vhusiku, u vhuya swika vhusikukati. Ndi elekanya uri vha do dzula huno vha lavhelesa arali hu na... u itela Ñwaha Muswa uri u tshimbile... u dzhena ngomu, huno wo faho u ȳuwe. Huno kanzhi vha ya vhidza u mona na alićare huno vha rabela huno—huno vha ita miano yavho kha Mudzimu huno vha vusuludza yavho—yavho miano.

⁷ Ndo vhudza Mukomana Neville... Huno nda mu vhidza u vhona arali o vha a tshi khou da. Nda ri aralo o vha a songo da, ndi do lingedza u bvela phanda zwa khwine zwine ndi nga lingedza. Huno zwenezwo arali a si nga koni u swika hafha nga matsheloni, mulandu, ndi do isa phanda na u ita zwine ndi nga kona musi a—a siho. Huno nda mu vhudza ndo vha ndi tshi khou ya u lingedza madekwana a ńamusi, ndi tshi humbula nga ha u vha na mulaedza wa minete ya fumiňhanu, kana tshiňwe tshithu. Huno, ri a vhona uri ri na vhanwe vhashumeli vhanzhi vho dzulaho hafha, vho lindela.

⁸ Ngauralo ndi khou ya... ndo elekanya uri ndi do thoma nda tou isa phanda na heyi Bugu ya Nzumbululo, u tou tsa fhasi, na topola ndima ya vhu⁴ zwino, huno ra thoma. Huno arali ra sa ralo u i fhedza tshino tshifhinga, tshifhinga tshi daho ri do bvela phanda. Zwenezwo ra ya kha ya vhu⁵, na ya vhu⁶, huno nga u tou ya nga hune ri nga kona. Ee Murena a ri thuse u i fhedza.

⁹ Ndi khou ȳoda u ri, phanda ha musi ri tshi thoma, uri ho vha hu na... vha na u dalelwā tshifhinganyana tsho fhiraho u bva kha—kha... Mukomana Drummond Thom na mufumakadzi wawe. Havha ndi mme avho na khotsi avho vho dzula hafha madekwana a ńamusi. Huno vha kha di tou bva u vhuya Afrika hune vho vha tshumelo khulu dza u tshidza mimuya na tshumelo dza phodzo Khethwa. Hoyu musidzana mučuku a dzhiya yawe... Ndi a tenda fhetlu ha makhulu wawe wa mukegulu, liňwe duvha, na u vha na tshumelo dza dzi dzhele, huno vhatizzwivhi vha da ha Murena, na tshiňwe na tshiňwe. Zwo vha zwi tshi tou vha zwavhudzi nga ndila ine Mudzimu a khou shumisa avho vhatunani vhaswa. Vha fhano zwino Amerika lwa tshifhinganyana u ita vhuňwe vhuivangeli.

¹⁰ Arali muňwe wa vhoiñwi vhatunani... Ni tshi khou ȳoda u nwalela Mukomana Drummond one... Drummond, ndi, ee, ndi vha na dzina lo sokou ȳanganana. Ndi ngani a sa tou dzhiya dzina lavhudzi la Tshikhuwa huno a hangwa nga hazwo? Kha ri tou mu

fha nomboro, naa ni ri mini, ngauri ndi nga si wane hezwo, hai. A thi humbuli uri hafu yashu i nga zwi wana. "Drummont," ndi a elekanya, ndi yone ndila ya u zwi bula; na Khaladzi Charlotte. Arali muñwe wa vhoiñwi a tshi nga takalela u vha navho, ndi nga takalela u vha pga vha tshi dzhena kha tshivhidzo tshañu.

¹¹ Hoyu musadzi, hoyu Khaladzi Charlotte, u kha di tou vha ñwana. O vha a tshi khou fha vhuñanzi ntña heneñho tshifhinganyana sho fhiraho, kha Meda, nga ha tshenzhemo tshe vha vha natsho Afrika, huno ndi a ni vhudza ho vha hu... Billy, zwo vhuisa zwifhinga zwa murahu hafhu; zwo pfala u nga u amba Afrikaans. Huno ngauralo yone nndwa yo fhirishela fhasi heneñho vhunga yo ralo fhano.

¹² Arali muñwe muthu a tshi ga takalela u vha na Mukomana Drummond u itela...na Khaladzi Charlotte, kha u ita fulo kha zwivhidzo zwavho, arali ni tshi do ralo, ni tou founela Mukomana Tony Zabel heneñho kha MElrose 7-3945. Arali ni tshi do takalela u i ñwala, vhañwe vha vhoiñwi vhashumeli, ndi a rwela ñari zwa vhukuma Mukomana... Ngauri ndi mureri wavhudí, u bva a mutukana, ane a ñoda u thoma, u wana u thoma. Huno ha ofhi, mutukana wavhudí, huno ndi a mu takalela nga maanda. Zwino, ni a elelwa, MElrose 7-3945. Huno ndi do sia heyi garaña ñhukhu hafha, hune arali na... Ndi garaña yavho, huno arali zwa iteya na balelwa u vheya nomboro fhasi, zwo ralo, ni nga ña na i dzhiya, kana tshifhinga tshiñwe na tshiñwe nga murahu ha mafulo ñhanganyelo vhukati ha dzitshumelo madekwana a ñamusi. Huno na wana ñomboro dzavho na vha founela arali ni tshi nga takalela u vha navho kha miñwe ya miñgano ya zwivhidzo zwañu, kana muñwe muthu ane na mu ñivha aña a nga takalela u vha navho, ngauri vha khou tou ñanziela u mona na Amerika.

¹³ Naa izwo a si tshiñwe tshithu? Afrika lo rumela li teya u rumela vhañziruñwa fhano Amerika! Hafha ndi fhetu hune vha khou ñodeya, heneñha, u fhira zwo ralo heneñho.

¹⁴ Ngauralo ndi vhangana vho takalaho na pembelela uri Murena vho ni vhubulanga nga kha muñwe ñwaha? Huno hafha ri hone, ri tshi ña kha magumo a ndila. Huno ra rabela uri Mudzimu u do ri hangwela nga zwivhi zwashu zwoñthe na u kundelwa hashu.

¹⁵ Zwino, ndi khou ñoda u amba hezwi phanda ha musi ri tshi thoma. Ndi tamela, kha muñwe na muñwe wa vhoiñwi noñthe, wavhudisa na wo fhañtshedzeyaho na mutakalo ñwaha muswa une ndi nga ni tamela. Mudzimu a vhe na inwi! Ngavhe ni tshi aluwa zwoñthe ñamani, na lwa tshimuya, na lwa masheleni, na kha ndaka. Tshiñwe na tshiñwe tshire Mudzimu a nga ni ñisela tshone, ndi a rabela uri U do zwi ita.

¹⁶ Zwino ndo livha ñwaha muswa, nnë muñe, Mudzimu u ya ñivha zwine zwo lindela kha vhumatshelo. Huno tsheyø dzashu

dzi khou teya u itiwa nga u ḥavhanya. Ri na zwithu zwashu. Mukomana Jim, n̄ha hafha, o no vha nazwo two lugela zwino, kha dzithambo na zwithu u bva mashango-davha, dzhango lothe; u vhona hune Murena a do ri isa. Huno zwa vhukuma ndi a ḥoda thabelo dza vhoinwi vhathu, uri ni rabele nga mbilu dzaṇu dzoghe uri Mudzimu ha nga ntendeli nda xedziwa. Ndi—ndi... Kha tshiñwe na tshiñwe tshine nda ḥoda, ndi u vha a fulufhedzeyaho nda si xedzwe. Huno zwino, ndo vha na nwaha wavhudī.

¹⁷ Zwifhinga zwinzhi, vhathu a vha pfectesi. Huno musi vha tshi ri, “Mukomana Branham, iwe u—iwe u... a u tsha ya fhethu sa zwe wa vha u tshi anzela u ralo, huno u fana na avha vhañwe vhashumeli vha tshi ralo, huno vha vha na...” Ndo—ndo guda tshithu tshithihi, u guda ngudo u bva kha Bivhili yashu na kha Murena washu, uri Yesu o vha a si wa u ḥoda u vhoniwa. O—O shaya hezwo, O vha a si na u ḥoda u vhoniwa. Ni a vhona, O—O vha a si muthu wa u ḥoda u vhoniwa, na khathihi. Huno a thi tendi uri vhafunziwa Vhawe ndi vhathu vha u ḥoda u vhoniwa. Nahone a vho ngo vha diita vhathu vha u vhoniwa.

¹⁸ Ndi hune nda elekanya uri ri a ḥudza hone nga maanda namusi, (Khamusi u tou vha muhumbulo wanga.) uri, musi ri tshi teya u ita tano nga tshiñwe na tshiñwe, ni a divha uri ndi ngani, Ndi humbula uri zwi vhonala u nga ndi zwa ḥano nga maanda u fhira vhukhethwa.

¹⁹ Naa no dzhiela nzhele kha u vhuya ha Murena, avho vhane vha Mu ḥanganedza zwa vhukuma? Ho vha hu Simioni, a hu na munwe we a vhuya a pfa tshithu nga hae, fhedzi o vha a tshi khou ḥoda Murena. Anna wa bofu, ngei thembeleni. Yohane ene Mulovhēdzi, ngei sogani. Huno na avho...

²⁰ Yohane o ya sogani a na miñwaha ya ḥahe, a sa tsha vhonala u swika a tshi vha na ya furaru; ngei sogani. Huno vhanna vha no nga vhenevho vhane vha tenda lwa tshiphiri, huno vha dzulela u ḥitukufhadza, vho vha vha tshi khou lavhelesa na u vhuya ha Murena. Huno a vho ngo vhuya vha ita ḥano nga miñtangano yavho huno vha teya u i vheya kha zwiga zwihiwlwane (“Yone awara! Tshone tshifhinga!”) huno—huno thelevishini na tshiñwe na tshiñwe. Izwo two luga kha avho vhane vha ḥoda u zwi ita nga iyo n̄dila, fhedzi, kha nñe, izwo a zwi vhonali sa u fana na Kristo.

²¹ Ndi a divha tshiñwe tshifhinga vha hawé Ene vha Mu vhudza, u ri, “U ita haya nadembe na zwithu, ndi ngani U sa yi n̄ha hafha kha—kha Yerusalem? Huno ri khou ya n̄ha kha vhuñambo ha Paseka, vhidza Kafasi ene tshifhe muhulu, na havho vhothe, huno u vha divhise. Zwi it phanda havho nga u ralo, uri vha kone u vhona mishumo Yau. Huno zwino, vhona, U khou twa na tshigwada tsha vharei, na zwiñwe zwinzhi, fhasi mulamboni, na avho vhathu vha kilasi ya fhasi? Mini... Ndi

ngani U sa yi n̄ha hafha huno uri shango li zwi vhone?" Ni a vhona?

²² Yesu o ri, "Awara yanu i dzula i hone, Yanga awara a i athu da." Uh-hum. Ni a vhona?

²³ Yohane nga tshiñwe tshifhinga... Yohane Mulovhedzi, lwone-lwone Luñwalo lwo amba nga haye a tshi da. Huno lwa ri, "Musi a tshi da, uri..." Mulandu, Yesaya a ri, lwa miñwaha ya madana a sumbe na fumimbili phanda ha musi a tshi bebiwa, "Hu do vha na ipfi la muñwe a huwelelaho sogani." Huno a ri, "Thavha dzothe dzo pfukwa dza ngwana ɻukhu, mañari a vhandelela zwanda zwao, mafhethu mahulu a itwa fhethu huñku, huno mafhethu mañuku a itwa mahulwane."

²⁴ Zwiporofito zwi ngaho izwo! Naa ni elekanya uri vhashumeli vha ilo ñuvha... musi vha tshi topola Izwo, vha nga vha vho ri, "Nne! Musi muporofita muhulwane a tshi da, muñwe na muñwe u do mu ñivha. Mudzimu u do tou humisela murahu madennde a ɻadulu, dzone phasedzhi dza ɻadulu dzi do tsela fhasi, gariki ya mulilo i do tsela fhasi, yone bennde ya vharuñwa ya mu tsitsela fhasi kha lifhasi."

²⁵ Musi a tshi da, o vha a mureri wa tshifhañuwo tsha kale na tshipida tsha mukumba wa nngu wo pombiwa u mona nae, na tshipida tsha mukumba sa bannda. Khonadzeo ndi ya uri ha vhuya a ɻamba; miraru miñwe na miñwe kana miñwedzi miña. Nnda henecho kha soga, a bvela nnda, a ima kha matope, gona fhasi, a tshi khou rera, "Shandukani, u itela Muvhuso wa ɻadulu u tshandani!" Ha ngo vhuya a ya dzidoroboni. Arali muñwe muthu a tshi ɻoda u mu pfa, vha da Yorodane u mu pfa, avho vhane vha ɻoda u ralo. Naa o ita mini? O dzhiya lushaka, o dzinginyisa shango.

²⁶ Hu na u dzinginyea hune kha khou iteya hune vhatnu a vha ñivhi tshithu nga hao. Musi Yesu a tshi da, Ha ngo vhuya a Diimelela vhukati ha vhahulu. U da kha Vhawé Ene muñ, U da kha havho Vhane vha khou Mu ɻoda. Ndi henecho hune u dzinginyea ha da. Ndi zwine A ita ñamusi. Wone Muya Mukhethwa u da kha havho vhe Mudzimu a vha vhidza. Hu na u dzinginyea huhulu vhukati ha Vhanangiwa. Tshithu tsha maanda tshine tsha khou bvela phanda, fhedzi shango a li ñivhi tshithu nga hatsho.

²⁷ Vha elekanya, hezwi zwithu zwiñhulu zwa maluva, na khasho dza shango loñhe, na thelevishini, na zwifhaño zwiñhulu zwa dolara dza milioni, na tshiñwe na tshiñwe, ndi tshone tshithu tshine tsha khou bvela phanda tshi tshihulwane. Ndi vhutsilu phanda ha Mudzimu. Mudzimu ha lavhelesi kha zwithu zwiñhulu. Zwine muthu a zwi vhidza "vhutsili," Mudzimu u zwi vhidza "Zwiñhulu"; huno zwine muthu a zwi vhidza "zwiñhulu," Mudzimu u zwi vhidza "vhutsilu." "Zwi ya Mu takadza, nga kha u nyadzea ha u rera, u tshidza havho vho xelaho."

²⁸ Zwino, Yohane. Naa ni elekanya uri vha ri mini? “Hu na musweleli wa kale nn̄da heneffo, muthu wa tshifhaṭuwo tsha u sinyalala tsha kale, o bvelela u bva phangani na mukumba wa nngu wo pombiwa u mona nae. Huno, mulandu, o ima matopeni, a si na zwienda, nn̄da heneffo nga thungo ha Yorodane, huno a tshi khou bvela phanda nn̄da heneffo. Ndi nnyi o no vhuyaho a pfa nga tshithu tsha u ralo?”

²⁹ Musi Yesu a tshi da. “Ene Mesia, o bebiwa heneffo kha tshitale, kha thulwi ya maṭanga, huno—huno kholomo dzi tshi khou mona mona? Huno—huno ni amba uri na mme... Khangamutupo, sa khotsi awe... Ene mme o vha a tshi khou ya u vha mme phandha ha musi vha tshi vhuya vha malana, mulandu, O vha o bebiwa nga nn̄da ha mbingano. Uyo muthu?” Yawee, nne nne! Ni avhona? Fhedzi Zwo vha zwi Zwihiulwane, vho vha vha tshi tou vha vha sa Zwi ḋivhi. Ni a vhona? Vho vha vha sa Zwi ḋivhi.

³⁰ Huno zwo ralo na kha Mafhungo-madifha namusi “Mahulu.” Huno ayo Mafhungo-madifha a khou dzinginyisa vhunga ha athu vhuya a ralo murahu, fhedzi A khou dzinginyisa kha masalela. Ndi zwone, a tshi vha lugisa.

³¹ “O da kha Vhawe Ene muṇe, Vhawe Ene muṇe vha si Mutanganedze.” O vhudza vhafunziwa Vhawe, “Ni songo ya nga ndila ya Vhannda, fhedzi khwine kha nngu dzo xelaho dza Isiraele. Huno, vhunga ni tshi ya, uyo ane a ṭangedza inwi o tanganedza Nne. Musi ni tshi ya ḡoroboni, vha sa ni tanganedze, fhufhurani buse kha milenzhe yanu ni di tutshele. Huno ngoho ngoho ndi a ni vhudza, zwi ḍo vha khwine kha Sodoma na Gomora nga duvha ḥa Khaṭhulo u fhira zwine zwa ḍo vha kha iyo dorobo.” Huno inwe na inwe ya idzo dzidorobo dze dza landula havho vhanna dzo edela miorani namusi. Inwe na inwe ye ya vha ṭanganedza, i kha ḋivha yo ima sa thawara. Ndi zwone, ni a vhona. Dzhiya tshifhinga tshilapfu u fhindula; fhedzi Mudzimu u ya fhindula, ni songo vhila. Ndi songo thoma kha hezwo, a thi nga vhuyi nda dzhena kha Nzumbululo. Oo!

Oo, ndi khou ḫoda u Mu vhona, u lavhelesa kha
tshifhaṭuwo Tshawe,
U imba lwa tshothe heneffo zwa tshilidzi
Tshawe tshi tshidzaho;
Zwiṭarāṭani zwa Vhugala ntendele ndi takuse
ipfi ḥanga;
Musi mbilaelo dzo no fhia, huno
mafhedziselonī hayani, u dzulela u takala.

³² Ndi a funa hezwo. Kha ri kotamise zwifhaṭuwo zwashu lwa tshikhalanyana. Naa ni do takalela u ima phanda ha musi ni tshi zwi ita? Ndi—ndi humbula... Yone Bivhili i ri, “Musi ni tshi ima, ni tshi rabela, hangwelani.” Ndi vhangana vhane vha vha na khumbelo ine vha ḫoda i tshi ḋivhiwa nga tshanda tsho

imiswaho? Elelwani, Mudzimu u ya zwi vhona, U ya zwi ḋivha zwoṭhe.

³³ Khotsi ashu wa Tađulu, ri khou sendela kha Vhukhethwa Hau ha N̄tha nga Dzina la Murena Yesu, ndi Dzina li fushaho ṭhodeya dzoṭhe lo fhiwaho hafha vhukati ha vhatku, line na miṭa ngei Tađulu na kha liphasi oṭhe a vhidzwa “Yesu.”

³⁴ Huno ri a rabela, Murena, uri U do ṭanganedza ndivhuwo dzashu. U thoma, tsha u tou thoma, hoyu waha u faho...sa vhunga ri tshi khou bvisa madekwana a ḥamusi nga tshumelo, ri tshi u bvisa nga u ḥneya dzithendo, ri tshi guda Ipfi Lau na u ḋivha uri MA AMBA MURENA a ri mini. Ndi zwingana zwithu zwine ra nga ḥwala kha bammbiri zwine ri nga vha vha livhuwaho ngazwo! Tshone tshiṭuku, u ponya huṭuku he ra vha naho uno ḥwaha, hune Saṭhane o vha a tshi do vha o fhedza matshilo ashu, fhedzi Iwe a u athu fhedza nga rine. Ngauralo ri kha dibvela phanda. Ri a tenda, Murena, uri ro bebiwa na u vuswa kha heli shango u u ṭhompha na u u hulisa Iwe.

³⁵ Huno ri a rabela, Khotsi, u do ri hangwela nga u pfuka huṇwe na huṇwe huno phoswo iṇwe na iṇwe ye ra ita u mona na lwendo. Iri ri hangwe phoso dzashu madekwana a ḥamusi vhunga ri tshi dzi bula, na u dzi vhulunga kha Lwanzhe lwa Khangwa, nga Dzina la Murena Yesu, u si tsha dovha zwa gwiwa hafhu; fhedzi nga niłā ine ra gidimela dzangani heli, u itela uyo Muthu o khunyelelaho, Krsito Yesu. Zwi tendele madekwana a ḥamusi, Khotsi.

³⁶ Sa vhalanda Vhau vha tshi amba, muṇwe na muniwe wavho, ngavhe U tshi vha dolisa nga Muya wa Vhutshilo, huno ngavhe vha tshi funza zwi sa athu vhoniwaho, huno vha ḋise mulaedza kha tshividzo madekwana a ḥamusi.

³⁷ Huno ro kuvhangana hafha phasi heyi ṭhanga ṭhukhu, ine ra livhuwa ngayo, Murena. Ri a livhuwa u vha na mulimou dudelaho wa u dzula tsini hawo, nga ṭhanga n̄tha ha ṭhoho dzashu, ndi zwone zwa ndeme.

³⁸ Ngauri lupfumo lwashu a si lwa lino shango, ndi lwa shango li ḫaho. Mudzimu, ro eđela heneffo hune ra tenda uri mbava dzi nga si kwashe dza tswa, huno lu nga si tshinyale nga vhulali, ngauri lupfumo lwashu ndi Vhutshilo Vhu Sa Fheli. Huno ri a rabela, Khotsi, uri u do ri tendela ra ṭhogomela hezwo mađuvha oṭhe a vhutshilo hashu.

³⁹ Ri ite vhadjinda vho fanelwaho. Dzhia vhuvhi hoṭhe kha riṇe, Murena, ḋivhazwakale yothe. I vheye kha...Ngavhe midzi yothe ya zwimbevha na vengo i tshi bviswa kha matshilo ashu, uri ri vha vhatku vha ḫitukufhadzaho na vhulenda phanda Hau. Zwi tendele, Murena. Iri ri vhe na ḥwaha wa khwinesa we ra vhuya ra vha nawo, hoyu ḥwaha u ḫaho. Zwi tendele. Ri fhe zwino, madekwana a ḥamusi, zwa Ipfi Lau vhunga ri tshi

lindela mulaedza Wau. Nga Dzina ḥa Yesu ri a rabela. Amen. Ni nga dzula.

⁴⁰ Zwino, zwi yakondela u vhona hetsho tshifhinga heneffho, huno a thi ṭodi u dzudza vhashumisani vhanga vho lindela, ngauralo ndi do lingedza u tāvhanya nga hune nda kona humo nda wana hetshi tshipida tsho bva. Huno, khañwe, arali ra sa fhedza, zwenezwo matshelo nga matsheloni ri do lingedza khañwe u isa phanda, arali Murena a tshi funa. Huno zwenezwo arali Mukomana Neville a sa tsela fhasi, kana tshiñwe na tshiñwe, zwo ralo, zwenezwo ndi do lingedza, ene Murena a tshi funa, u vha fhano kha tshumelo ya tshikolo tsha Swondaha.

⁴¹ Zwino, ni songo hangwa hezwo zwino:

Rabelani, rabelani, ndi yone nddila
 . . . swikani kha dzi ndunduma;
 Rabelani, rabelani, yone thabelo ya lutendo
 I do qisa phaṭhutshedzo fhasi.

⁴² Ndi yone nila i yothe ine na nga vhuya na zwi ita. Kha ri imbe rothe. Hoyu Nwaha Muswa zwino. Ri na tshifhinga tshinzhi.

Kha ri rabele, rabele, yone ndila i yothe
 U swikelela dzi ndunduma;
 Rabelani, rabelani, yone thabelo ya lutendo
 I do qisa phaṭhutshedzo dza Mudzimu fhasi.

⁴³ Ngauralo arali tahbelo ya lutendo i tshi qisa phaṭhutshedzo dza Mudzimu fhasi, kha ri ise phanda na u rabela. Ndo takala nga maanda, madekwana a namusi, ri na zwifhañuwo zwiswa kha Muvhuso wa Mudzimu zwe zwa vha zwi siho n̄waha wo faho. Huno ndi tou, u isa phanda na u rabela uri zwinzhi na zwinzhi zwi do engedzwa tshifhinga tshothe. Huno hafu a i athu vhudzwa zwine zwa do vha nga hangei seli.

⁴⁴ Zwino, ri do vula kha ndima ya vhu⁴ ya Nzumbululo. Naa muñwe muthu u ya ṭoda Bivhili? Ri na dziñwe Bivhili hafha n̄tha arali ni tshi nga takalela u ri tevhela. Zwo luga, muñwe wa vha thusi idani phanda zwino, ri tou vha na butu lothe la Bivhili hafha. Muñwe wa vhalangandaka, muthusi, kana tshiñwe tshithu, idani nga u tāvhanya. Mukomana Zabel; irani muñwe a de, naye. Arali ni tshi khou ṭoda u dzhiya masia othe, huno ri do ya nga phasedzhi. Huno muñwe a ne a ṭoda Bivhili, u tevhelela u mona, mulandu, itanu dzi dzhiya fhasi ni dzi fhe kha muñwe na muñwe ane a dzi ṭoda.

Huno ri khou ṭoda u vula zwino kha Nzumbululo, ndima ya vhu⁴.

⁴⁵ Huno, zwino, arali no dzula murahu huno ni tshi ṭoda u da ngeno phanda haffha, ri tou vha na madzulo manzhi madekwana a namusi uri inwi ni sudzuluwe. Huno ni digede, huno ra tou džhena kha ngudo huno u nthuseni u i vhala, huno na u i guda musi ri tshi ṭuwa rothe. Hu na madzulo n̄tha hafha. Ndi a vhona

vhafunani vha tshi khou ḫa. Huno hafha ndi madzulo mavhili hafha. Hafha ndi maññe a vha re vhothe hafha. Huno na murahu hafha, hu tou vha na madzulo hafha. Ndi a kholwa vha ḫano vha tou vha shango lothe.

⁴⁶ Huno zwino, ndi vhanganana vho dīfhelwaho nga ngudo yashu ine ri kha di tou bva u vha nayo, ngudo ya maduvha a malo kha *Zwikhathi Zwa Sumbe Zwa Tshivhidzo?* Ndo livhuwa. Zwi nnyita uri ndi di pfe ndi wavhudzi, ngauri ndo wana phaṭhutshedzo khulwane khadzo nne muñe.

⁴⁷ Zwino, madekwana a ḫamusi ndi ndima ya vhu⁴, ri khou ṭuwa zwino, Yohane o vha o amba na Tshivhidzo tsha Tshikhathii tsha Ladokia. Huno, kha hetshi Tshikhathii tsha Tshivhidzo tsha Ladokia, tsho vha tshi tshikhathii tsha tshivhidzo tsho ṭangananesaho u fhira zwinwe zweithe.

⁴⁸ Huno ri wanulusa tshithu tshi ṭungufhadzesaho kha tshipida tshau fhedza tsha Tshikhathii tsha Tshivhidzo tsha Ladokia, Yesu o ima nga nn̄da ha tshivhidzo Tshawe Ene muñe he A vha o bviselwa nn̄da, a tshi khokhonya kha munango, a tshi lingedza u vhuya murahu. Naa izwo a si tshivhi? Ndi humbula uri ndi luñwe lwa Luniwalo lu ṭungufhadzesaho lwe nda vhuya nda lu vhala. Yesu, nga nn̄da ha munango Wawe Ene muñe, huno tshivhidzo Tshawe tsho vha tsho Mu vheya nn̄da, huno O vha a tshi khou lingedza u vhuya murahu ngomu u tou vha tshidza fhedzi. “Muthu muñwe na muñwe ane a do vula, ntendeleni Nñe ngomu kha nn̄du Yanga Nñe muñe, Ndi do lalela nae huno ene na Nñe.” Naa izwo a si...naa izwo a zwi ṭungufhadzi? Ene Mudzimu wa Ṭadulu, o vheiwā nn̄da ha tshivhidzo Tshawe Ene muñe, nga milayo yavho na dinomineisheni na nga ndila ine vha khou ita. U vha vheya nn̄da... u Mu vheya nn̄da ha tshivhidzo, vha ṭanganedza milayo yavho.

⁴⁹ Naa a si zwithu zwithihi sa zwe zwa vha zwi zwone musi Yesu a tshi vhambiwa. Huno ndi musi vha tshi ṭanganedza Baranabasi, muvhulai, huno vha vhamba Yesu. Vha vhofholola muvhulai vhukati havho, we a tikedzwa u vha “muvhulai,” huno vha ṭanganedza...huno vha landula Yesu Kristo, ene A eþhe ane a nga vha fha Vhutshilo.

⁵⁰ Huno ndi tshithu tshithihi tshine dinomineisheni iñwe na iñwe, na denomineisheni ya Pentekoste, ya vha nazwo ḫamusi. Vha vhona uri idzo dinomineisheni nga u ṭavhanya musi dzi tshi dinomineitha. A hu athu vha na nthihi (kha—kha masiaþari a ðivhazwakale) ye ya vhuya ya dinomineitha huno ya vhuya a ita tshiñwe tshithu fhedzi u fa nga u ṭavhanya. Zwigā zweithe, zwi mangadzo, na zwifhiwa zwa vha ṭutshela, na tshiñwe na tshiñwe, nga u ṭavhanya musi vha tshi dinomineitha. Huno madzuloni a u ṭanganedza Murena Yesu uri a vha fhe Vhutshilo, vho vha vho humela murahu thwii huno vha vhofholola Branabasi vhukati havho hafhu. Naa izwo a zwi shushi? A zwi mangadzi Mudzimu o

vhewa nn̄da ha tshivhido Tshawe, huno o ima, a tshi khokhonya, tshikhathī tsha u fhedza tsha tshivhidzo, a tshi lingedza u dzhena ngomu muarahu.

⁵¹ Zwino, ri wanulusa uri Nzumbululo yo khethekanywa nga zwipida zwiraru. Tsha u thoma ndi ndima tharu dza u thoma, dzine dza ya kha Tshivhidzo, wone Mulaedza, ene muruňwa... kha vharuňwa vha Tshivhidzo. Huno u bva... Huno zwenezwo A shavha benefho kha ndima ya vhu3, a si tsha vhonala hafhu u swika ndima ya vhu19, kha ndima ya vhu19 A vhuya murahu. Vhukati ha hetshi tshifhinga, Mudzimu u khou shuma na Vhayuda. Zwenewo, u bva benefho, ndi vhukati ha u da ha mudi muhulwane wa Yerusalem, huno na—na u pfuñelwa ha vhatu vha Isiraele, na zwinwe zwinzhi, nga tshifhinga tsha vhufhelo.

⁵² Zwino, ngauralo madekwana a ɣamusí ri ɣutshela... Nga u t̄avhanya nga murahu ha hezwi, Yohane o vha o vhona... Kha tshīangadzime tsha Patimosi... Naa ndi vhangana vhane vha elelwa uri ndi kule vhungafhani Patimosi u bva kha... u bva kha khunzikunzi? Naa ndi kule vhungafhani? Zwi no dzhya maela dza furaru, ndi zwone, u bva kha khunzi-khunzi. Huno ho vha hu kule hu ngafhani u mona na Patimosi? Naa ni a elelwa mañwe a mafhethu? Dzi ṭodaho u swika maela dza fumiñhanu u mona natsho. Huno ho v̄hā hu tshi shumiswa sa khotthoni ya Vharoma, u vheya vhafariwa benefho. Huno Yohane o vha a benefho nga mini? Naa o ita mini? Naa o—naa o tswa tshiñwe tshithu? Hai. Naa o vha... Vho mu vheya nn̄da benefho ngauri o vha a tshi khou thithisa vhatu huno... kana a tshi ita tshiñwe tshithu tshivhi? Hai. Naa o vha o yela mini benefho? Nga n̄thani ha Ipfila Mudzimu na vhuñanzi hawe, nga u rera Mafhungo-mañdifa.

⁵³ Naa tshiñwe tshithu tshi nga iteya kha Mukriste hu si uri ndi u itela zwa khwine? Hai, hai, hai. Ngauralo ndi mini zwe Mudzimu a mu isela benefho a eþe kha tshīangadzime? U ri fha heyi Bugu ya Nzumbululo. Ni a vhona, Mudzimu a nga tou kokodza wulu kha maþo a diabolo tshifhinga tshiñwe na tshiñwe tshine A ṭoda. Naa A nga si ralo? A nga tou ralo zwo leluwa. Ndi tou Mu funa. Ngauri, a thi tei u vha o thanyah, ni a vhona. Zwino, arali ndo thanya, ndo vha ndi tshi do lingedza u hangwa nga hazwo zwoþhe ngauri ndi a ðivha uri a hu na ane a thanya sa Ene. Huno ngauralo ndi—ndi khou ṭoda... Tshiñwe na tshiñwe tshine nda vha natsho, ndo ði ɣekedzela Khae huno nda tou ita zwine A ri ita. Ndi zwenezwo fhedzi. Tshiñwe tshifhinga zwi a fhambana nga ndila ine nda humbula uri zwo ralo. Fhedzi ndi a zwi ðivha, arali A tshi khou zwi ranga phanda, O thanya. U ya ðivha zwine A khou ita, a thi ralo. Ngauralo ndi tou Mu tendela a zwi ita, ni a vhona, zwenezwo zwi tou vha... zwoþhe zwo luga. Ni a vhona? Ngauralo ndi tou Mu litsha a zwi ita. Ndi zwenezwo, Mukomana Neville. Ee, mune wanga, itanu Mu litsha a zwi ite. Ni a vhona? Ndi Ene a ne a ðivha zwine A khou ita, nñe a thi ralo. Ni a vhona? Ngauralo a thi lingedzi u vha na mañwe

maluvha mahulu na zwithu. Huno u tou dītukufhadza, huno na ri, "Fhano ndi hone, Khotsi, tshifhinga tshiñwe na tshiñwe tshine Wa ntoda." Ngauralo itani bvela phanda nga u ralo huno zwi do dzulela u vha ngonani.

⁵⁴ Ngauralo, Yohane, ro vha ri sa do vha na—na Bugu ya Nzumbululo arali ho vha hu songo vha na Yohane, huno arali Yohane a songo ya nnnda kha tshiñgadzime. Iyo ho vha hu ndila ya Mudzimu ya u ri fha Bugu ya Nzumbululo. O vha a nnnda heneffho, ndi a kholwa, lwa miñwaha miraru, huno na kha Bugu ya... zwo ñwaliwa kha Bugu ya Nzumbululo.

⁵⁵ Zwino, zwenezwo musi ri tshi mu tutshela kha thambo ya u fhedza, ya ndimana ya vhu22 ya ndima ya vhu3, "Uyo a na ndevhe, nga a pfe zwine Muya wa amba na zwivhidzo."

⁵⁶ Zwino, u thoma kha ndima ya vhu4:

Nga murahu ha hezwi nda lavhelesa, huno, vhonani, munango wa vuliwa ngei tađulu: huno ipfi la u thoma le nda pfa li tshi nga sa... yone phalaphala i tshi amba na nne; le la ri, Ida ngeno ntha, huno Ndi do u sumbedza zwine zwa do iteya nga murahu.

⁵⁷ Ri khou ya u I dzhiya ndimana nga ndimana. Huno ndi na Mañwalo manzhi hafha o ñwaliwa fhasi, bugu yao, huno a thi divhi uri ri do swika kule gai u dzhena Khao. Ngavhe Murena a tshi ri ranga phanda. Zwino, lavhelesani, lone Ipfi ndi:

Nga murahu ha hezwi zwithu (nga murahu ha tshikhathi tsha Tshivhidzo)...

⁵⁸ Huno hezwi zweþe u bva hafha, zwino, zwi do vha zwi tshi kwama, zwi do iteya kha lifhasi nga murahu ha U Takulewa Tađulu ha Tshivhidzo. Ni a vhona, nga murahu ha U Takulewa Tađulu. Hezwi zwi khou humela murahu zwino u topola Isiraele. Nga murahu ha tshikhathi tsha Tshivhidzo, na nga murahu ha zwikhathi zwa Tshivhidzo, huno vha... Tshone Tshivhidzo a tshi ngo tsha dovha tsha vhonala hafhu u swika Nzumbululo yone ndima ya vhu19 musi A tshi vhuya na Muhwe Wawe. Rendani Mudzimu nga Munyanya!

⁵⁹ Kha ri tou vhala hezwo. Naa ni nga takalela u vhala aya Mañwalo musi ri tshi bvela phanda? Zwo luga. Kha ri vule kha Nzumbululo 19. Zwo luga, muñe wanga, Nzumbululo 19. Kha ri thome nga ndimana ya vhu7, Nzumbululo 19. Hafha ndi musi Tshivhidzo tshi tshi vhonala hafhu, a tshi tsha vhonala hafhu u swika nga hangeikha ndima ya vhu19.

Kha ri khane nahone ri pembele, huno ri mu fhe khuliso: ngauri tshimima tsha Ngwana tsho da, huno mufumakadzi wawe o no dilugisela.

⁶⁰ Oo, ndi—ndi nga funza nga hezwo u swika vhusiku-kati huno nda si ambe na hafu yazwo. Lavhelesani, "Mufumakadzi wawe o no Dilugisela."

⁶¹ Charlie, Nellie, na vhoinwi nothe, zwe ra vha ri tshi khou amba nga hazwo, fhasi heneffo, na Rodney, linwe duvha. Ni a vhona? Musi Elisa a tshi posa iyo dugu kha Eliya... Kana Eliya a tshi posa kha Elisa; a hovhelela murahu huno a i dzhiya hafhu, huno a i vheya kha ene muñwe huno a tshimbila nayo u swika a tshi wela Yorodane, huno a ya thavhani huno a dzhiwi nga gariki, huno a i wisela phasi.

⁶² Musi Mukriste a tshi tshidzwa lwa u thoma, tshifhañwo tshawe tshi sedza kha Kristo, zwenezwo u na tshiñwe tshithu tsha u ita ene muñwe. U teya u ralo, tshithu tshi tevhelaho, u ya dikhethefhadza u bva kha madzema othe a u sa kuna, "a tshi vhetshela thungo muhwalo muñwe, a tshi Dilugisa. Ene Muselwa o no Dilugisa kale!"

⁶³ Zwi nkhumbudza iñwe nganeya ḥukhu, ndi tou teya u iamba phanda ha musi ri tshi nga bvela phanda. Ndā Vhukovhela hafha, tshiñwe tshifhinga tsho fhiraho, miñwaha minzhi, ho vha hu na heri khulu Armour na Swift Packing Company. Nga ndila ine vha ita, vha bvela ndā heneffo huno vha renga kholomo huno vha renga bulasi ya kholomo. Huno dzi dura tshelede nnzhi, huno vha renga bulasi dzothe ḥukhu dza kholomo, huno vha vha na tsimu tsa milioni dza bulasi nga u ralo, huno vha fuwa hezi khulu, dzavhuđi kholomo dza Hereford kha masia. Dzavho vhone vhané... Vha langa zwavho zwiporo na zwithu zwine zwa disa idzo kholomo u bva kha pfulo iñwe u ya kha iñwe.

⁶⁴ Huno Armour na Swift vho vha vha na bulasi khulu, huno linwe duvha o vha a na foromane heneffo, ene muhulwane, o vha, wa bulasi, o vha a na vhananyana vhaña kana vhatanu. Huno vha wanulusa uri muñwe wa vhakomana vha yone khulwane Armour o vha a... kana, hu si mukomana, fhedzi vharwa, o vha a tshi khou ya u dalela bulasi. Huno o vha a—a muswa, munna a sa athu malaho. Huno havha vhasidzana vhothe vho vha vha na vhuñanzi uri vho vha vha tshi khou ya u kokodza tshenzhemo tsha hoyu mutukana nga u ṭavhanya musi a—a tshi da. Huno vhothe vho vha vha tshi khou lugela na u ita tshiñwe na tshiñwe uri tshi luge uri a de.

⁶⁵ Musi a tshi swika heneffo, vho vha vha tshi khou ya u ṭangana naye huno vha vha na duvha la kale la vhuñambo, na rokho dzavho ḥukhu, na makolo khadzo, na .44 kha tshirumbi tshiñwe na tshiñwe na iyo miñwadzi nga murahu ha ḥohoh dzavho, ni a ḏivha. Huno ho vha hu tshi khou ya u vhana vha vhukovhela vha ḏivheaho, huno muñwe na muñwe wa vhasidzana o vha a tshi khou ya u wana... Muñwe wavho o vha a tshi khou ya u wana hoyu mutukana.

⁶⁶ Huno vho vha vhana ene—ene muzwala muñku heneffo we mme awe vho vha vho lovha na khotsi awe vho lovha. Huno o vha a muzwala, huno o vha a tshi tou vha phuli kha vhothe vhe

vha vha vhe heneffo. Huno mishumo yothe ya tshika, o do teya u i ita, u tanzwa phuleithi na tshiñwe na tshiñwe. Huno o vha a si na zwiambaro, o vha a tshi teya u dzhiya magabulelo na . . .

⁶⁷ Ngauralo musi tshifhinga tshi tshi swika tshine mutukana a teya u swika, huno vhothe vha dzhena kha gariki dzavho huno, khezwila, fhasi u ya tshiñtshini vha ya u mu tanganedza. Huno vho vha vha tshi khou thuntsha zwigidi, na dzibere dzi tshi khou kuma, na tshiñwe na tshiñwe. Huno vha mu disa kha bulasi. Huno uvho vhusiku vha vha na tshimima tshihulu. Huno vha bvela nnnda heneffo kha thulwi ya furu na luhura lwa mabulasini, huno vha—vha imba vha tshina, huno vhusiku hothe. O vha a heneffo lwa mađuvha mavhili kana mararu.

⁶⁸ Hoyu muzwala muđuku . . . Zwino, ndi khou ya u fanyisa hezwi na tshiñwe tshithu zwino. Vhazwala vhashu vho ambaraho zwavhuđi, thodzi khulu na zwivhidzo zwavhuđi, huno zwi vhonala u nga arali hu na lidwe dzina livhi li teya u fhiwa vhone vhapentekostala, tshiñwe tshithu tsho khakeaho. Vha ya ita zwithu two khakheaho navho, fhedzi a hu na tshi kondaho nga ha, ni a vhona. Vha nga ndi vha n̄tha, ngauralo vha . . . a ni pfi nga ha hezwo. Fhedzi litshani muñwe mushumeli wa Pentekoste a ite phoswo tshiñwe tshifhinga, huno, mukomana, ndi khou ni vhudza, vha do mu ñana u mona na shango kha gurannda iñwe na iñwe. Ee, muñwe wanga. Irani muñwe mukomana wa pentekostala a rabelele ñwan, huno a fe, gurannda iñwe na iñwe kha shango i do zwi andadza, "Phodzo Khethwa Ndi Vhusweleli."

⁶⁹ Zwo ralo, ndi ngani ni sa vheyi mulandu muñwe na muñwe kha gurannda une dokotela a kundelwa? "Sobo ya galaguni, ndi sobo ya sekhwā." Ni a vhona? Ngauralo, arali vha nga ita hezwo, vho vha vha tshi do vha vha si na tshikhala tsho edanaho kha kholomu u ñwala vhafu vhothe. Arali nda nga ya nnnda hafha kha mavhida huno nda ri, "Muñwe na muñwe we a vhuya a fa fhasi ha phodzo Khethwa vuwani," huno zwenezwo nda ri, "Muñwe na muñwe we a vhuya a fa fhasi ha ndondolo ya zwa mutakalo vuwani," vha do vha fhira nga milioni kha muthihi. Huno ndi zwone kokotolo. Ngauralo arali vha tshi khou ya u sasalzda muñwe, sasaladzani na houla muñwe. Ngauralo ndi zwone. Fhedzi vha vhulaya vha dzimilioni nga ñwaha nga mishonga na miaro, huno a ni vhuyi na pfa ipfi nga hazwo. Ni a vhona?

⁷⁰ Ngauralo, hoyu musidzana muđuku, o vha a na mishumo yothe i kondaho. Ngauralo musi, nga khathihi fhedzi, ene mutuka . . . vhuñwe vhusiku musi tshiswiđulo tsho fhela huno vha vha na mitshino, huno muñwe na muñwe wa havha vhasidzana o nakiswa tshothe, ni a divha. Huno hoyu musidzana muđuku o do teya u vha na ñukhu, rokho yo tahanahlo. Huno vhuñwe vhusiku o vha o dzula kha holo ya mashika nga murahu ha musi tshilalelo tsho no fhela, huno o vha o no tanzwa phuleithi huno a bva nga murahu ha dzarađa u lađa madi a mashika. A . . .

musi a tshi rembuluwa kha luhura lwa matanda, heneffo o vha o ima, o ditika nga luhura lwa matanda. A ri, "Hello."

⁷¹ O vha a tshi khou shona nga maanda, ngauri uyo o vha a mutukana wa muhulwane, murwa wa muñe wa bulasi. O farela ndishi phasi, uri a si kone u limuwa yawe yo t̄ahalaho; a thoma u huma nga tsha murahu, na milenzhe i si na zwienda, a tshi lavhelesa murahu, nga u rali.

⁷² Huno a ya khae, a ri, "U songo nnyofha." A ri, "Ndi khou ṭoda u ni vhudza tshiñwe tshithu." A ri, "Ndo da hafha nga ndivho nthihi, ndo da hafha u wana mufumakadzi." Huno a ri, "Ndo vha ndi tshi khou sedza huñwe na huñwe." A ri, "A thi khou ṭoda u mala muñwe wa vhasidzana murahu hangei dzidoroboni, ndi khou ṭoda u wana zwine nda elekanya uri ndi mufumakadzi wa vhukuma." Huno a ri, "Kha vhothe vhe nda vha vhona, ndo vha ndi tshi khou limuwa u mona hafha. Ndo wanulusa nga kha vhañwe uri u muzwala."

A ri, "Ndi zwone, muñe wanga."

⁷³ A ri, "Ndi khou toda u ni vhudzisa tshiñwe tshithu. Naa ni nga maliwa nga nñe?" Mulandu, o vha a sa ḋivhi zwine a nga ita. O vha o fhamelwa, ha ngo—ha ngo ḋivha uri a nga fhindula hani uyo munna.

⁷⁴ Oo, ndi tou humbulela nga ndila ye a ḋi pfa. A ni ralo? Musi nñe, muitazwivhi nga tshiñwe tshifhnga, ndi songo lugela tshithu, ḋwana wa tshidakwa, Yesu Kristo a ri, "Ndi khou u ṭodela Nñe muñe." Naa A nga vhuya a da hani kha muthu a ngaho nñe? Naa A nga vhuya a ri, "Ndi do u fha haya ngei T̄adulu hani"? Naa A nga vhuya a ri, "Ndi do u tshidza"? A ṭungufhadzaho sa nñe, naa zwi nga vhuya zwa vha hani? Fhedzi O zwi ita!

⁷⁵ A ri, "Muñe wanga, a—a thi ngo—a—athi ngo fanelwa. Ndi nga si vhe mufumakadzi kha munna a ngaho iwe," a ri, "ngauri wo ḋowela zwithu zwihiulu. Huno a thi ḋivhi tshithu ngazwo, ndi mushayi."

A ri, "Fhedzi ndi iwe khetho yanga."

⁷⁶ Huno naa zwo vha zwi songo naka musi Yesu a tshi ni vhudza izwo...? Ni a zwi ḋivha uri no vha ni songo fanelwa u vha Mukriste. Inwi, ho vha hu si na tshithu tshe no vha ni tshi nga ita, fhedzi A... A si tshithu...O—O tou nanga inwi fhedzi. Ni a vhona? O... Ndi vhudi Hawe, khathutshelo Tshawe tshe A nanga inwi. A ni Mu nangi, ni a ḋivha, O nanga inwi. Ndi zwone.

A ri, "A—a thi ḋivhi..." A ri...

⁷⁷ "Ni songo lavhelesa kha zwiambaro zwanu. A thi sedzi kha zwiambaro zwanu, ndi sedza kha zwine na vha zwone." A ri, "Naa ni nga maliwa nga nñe?" Huno mafhedziselonu thendelano ya itwa. Huno a ri, "Nwaha muthihi u bva lino ḋuvha, ndi do vhuya. Ni vhe no luga. U vhe na nguvho ya munyanya, ngauri ndi do vhuya nda u mala heneffha kha heneya mavu. Huno ndi

do u isa Chicago, kha Outer Drive, heneffo hune wa do vha na tshiphuga tsha u tshila khatsho. Huno hohu u tanzwa phuleithi hothe hu do fhela, na zwithu, zwenezwo."

⁷⁸ Musi dzone khaladzi, kana vhone vhazwala, vha tshi pfa nga ha hezwo, vha ri, "Inwi mushai, mułuku, tshidahela tsha tsilu! Mulandu, ni a zwi ḋivha uri houla munna o vha a sa ambi hezwo!"

⁷⁹ Huno nna a si zwone zwine vhaambanamusi? "Naa tshigwada tsha vha vhumbuluwi vhakhethwa, tshigwada tsha vhatu vhane vha kondelwa na u nwala madzina avho, naa vha nga vhuya vha vha hani Tshivhidzo? Naa tshigwada tsha u ralo tshi nga vha vha hani?" Fhedzi hezwo zwi tou vha zwenezwo. Musi ri tshi fulufhedzisa huno ra pfa iyo khisi ya muano ya Yesu Kristo kha mbilu dzashu u tuwisa zwivhi zwashu, Tshiñwe tshifhinga zwi ri vhudza uri U khou vhuya murahu hafhu, u tou vha na vhuțanzi sa shango. Liñwe ḋuvha U do vhuya.

⁸⁰ Nwaha wothe a shuma, sa phuli, a tshi vhulunga masenthe awe a fusumbe-thanu, zwine—zwine vha mu fha sa muholo nga ḋuvha. Huno o vha a tshi khou vhulunga tshelede yawe u renga nguvho yawe ya munyanya, u vha na tshiñwe na tshiñwe tsho lugela. Oo, ho vha hu dzone ngelekanyo dzawe fhedzi, u dilugisela. (Huno o vha a na... "O no Dilugisela.") A wana zwiambaro zwave, zwiambaro zwave zwa munyanya, musi vhazwala vhawe vha tshi khou mu sea na u mu nyefula.

⁸¹ Mafhedziseloni zwa da kha... ḋuvha la makhaulatshele. A di ambadza nga nguvho yawe ya munyanya (Oo!), a lugela na u kunakisa. Huno vhazwala vhawe vha da u mona huno vha kwatama khaye huno vha ri, "Zwo ralo, inwi tshithu tsha tshidahela. Mulandu, ni a zwi ḋivha uri o vha a sa khou amba hezwo. O vha a nga si ambe na... mala musidzana a no nga inwi." Fhedzi, a di lugisela, naho zwo ralo.

⁸² Ngauralo zwa iteya mathabama nga madekwana, huno vha thoma u mu nyefula na u mu sea. A i ma heneffo munangoni, o lindela, naho zwo ralo. Huno ngauralo a... a ri, "Naa o ri u do vha afha nga tshifhinga-de?"

⁸³ A ri, "Ha ngo amba." Fhedzi a ri, "A vha vhudza... o mbudza vhusiku vhune a do mala... kana o mpho tshiga tsha thendelano. A ri, o mmbudza, 'Hu do vha nwaha u bva zwino.' Zwo ralo ndo salelwa nga awara." Amen, o tou isa phanda na u lindela. "Ndo salelwa nga awara, minete ya furaru yo salaho, minete ya fumi yo salaho." Huno vha mu seja huno vha mu nyefula, huno vha mu vhidza tshiñwe na tshiñwe.

⁸⁴ Fhedzi, mafhedziseloni, nga yenyo awara ya ndeme, vha pfa mułavha u tshi hasheya fhasi ha mathaela, dzone bere dzi tshi da. Tshithu tsha hani-naa u vhona uyo muselwa mułuku we a dilugisela, a fhufha nga munango, huno u mona na maluvha nnda heneffo, u fhufhela kha zwanda zwa munna we a mu funa, na u

vha munna wawe, u mu topola nga u ralo, huno vha malana huno vha Ქwa.

⁸⁵ Linwe la haya maduvha, mukomana, havho vhane vha khou nyefula huno vha tshi ri "muvhumbuluwi mukhethwa," huno—huno "vhapentekostała," na zwithu zwi ngaho hezwo... Ro lindela, ri kha di vha na tshifhinga tshiṭuku. Vha ri, "Aa, a hu na phambano kha zwe zwa vhuya zwa vha." Ni songo vhilaela, ri kha di vha na tshifhinga tshiṭuku tsho salaho. Huno nga itsho tshikhathi tshe A fulufhedzisa, U do vha fhano. Huno linwe la haya maduvha ri do dzhiya bufho huno ra Ქwa. Itanu lugela! Dudzani Nguvho ya Munyanya yo luga! Bvisani tshiṭuhu tshothe mbiluni yanu. Tshiñwe na tshiñwe tshine...

⁸⁶ Thetshelesani uri ulwu Luñwalo lu vhaleyha hani:

Kha ri khane nahone ri pembele, huno ri mu fhe khuliso: ngauri mbingano ya Ngwana yo swika, huno mufumakadzi wawe o no dilugisela. (Ni a zwi wana?)

Huno khaye a fhiwa thendelo ya uri a Ქamiwe nga nguvho dza mavhai-vhai, dzo kuna na u tshena: ngauri nguvho tshena ndi u luga ha vhakhethwa. (Rendani Mudzimu!)

Huno ene a ri kha nne, Nwala, Mashudu avho vhane vha vhidzwa kha tshilalelo tsha mbingano ya Ngwana. Huno ene a ri kha nne, Haya ndi maambiwa vhukuma a Mudzimu.

⁸⁷ Ngauralo hu khou ya u vha na muṭangano tshikhaliani linwe la haya maduvha, kha uho u difhelela, u difhelela nga ngei seli. Uh-huh. Itanu dzula no luga! Didzudzeni no luga! Tanzwani mbilu yanu kha mihibulo yoṭhe mivhi. Ivhani na lutendo kha Mudzimu, zwi si na ndavha uri zwi vhonala zwe swifhalo zwi nga fhani na uri ndi vhangana vha no seja na u nyefula huno vha ri, "No ita phoswo." Dzulelani u tshila vhukhethwa na u tshilela Mudzimu. Itanu bvela phanda na u tshimbila, yone awara i do swika!

⁸⁸ Ngauralo, ni a vhona, U ya vhonala hafhu kha Nzumbululo 19:

nga murahu ha hezwi zwithu... (Nga murahu ha musi o vhona tshikhathi tsha Tshivhidzo.)

Nga murahu ha hezwi zwithu nda lavhelesa, huno, vhonani, wone munango...

⁸⁹ Zwino, elelwani, Yohane u kha di vha Patimosi. Huno nga murahu ha musi o no vhona zwikhathi zwoṭhe zwa tshivhidzo zwi tshi fhira:

...nda lavhelesa, huno, vhonani, wone munango wa vuleya ngei Ქadulu:...

⁹⁰ “Wone Munango.” Naa wone Munango ndi minii? Nzumbululo 3:8. Kha Nzumbululo, ndima ya vhu3 na ndimana ya vhu8, “Ndi a divha mishumo yau. Vhonani, ndo vheya phanda hau wone Munango wo vuleyaho une a hu na muthu ane a nga u vala, vala a huna ane a nga u vula.” Ndi ene Munango! Wone Munango! Kristo ndi Munango. A ri, kha Yohane Mukhethwa 10, “Ndi nñe Munango kha tshithumba.”

⁹¹ Huno kha mashango a kale, ni wanulusa uri mulisa u tshimbila kha nngu dzawe. Nga murahu ha musi o no dzivhala huno a vhona uri dzi hone, zwenezwo u edela kha muñango. Yone phunguwe i nga si dzhene i songo thoma ya mu vusa, kana nngu yawe i nga si bve i songo thoma ya bva khae u thoma. Oo, naa nngu i ñi pfa hani yo vhulungeya ngauri mulisa o edela muangoni.

⁹² Noaxe, kha testamennde Ndala, o ima kha munango wa gungwa. Oo, thetshelesani; a tshi khou ya u amba tshinwe tshithu! A ima munangoni huno a funza thembuluwo na u luga kha vhatu vhe vha mu nyefula. Huno kha uyo munango muthihi we a ima khawo, a hu na muthu we a vha a tshi nga dzhena kha gungwa nga nn̄da ha uyo munango. Ho vha hu si na fhedzi munango muthihi kha gungwa.

⁹³ Huno hu na Ndila nthihi fhedzi! Zwo luga, Mukomana....?....Hu na Ndila nthihi fhedzi ine ya ya kha Muvhili wa Kristo. Hu na Munango muthihi kha Tshivhidzo tsha Mudzimu a tshilaho, huno Yeso ndi uyo Munango! “Ndi nñe Munango! Ndi nñe Ndila, lone gondo line la ya kha Munango. Ndi Munango kha tshitumba.”

⁹⁴ O amba kha hetshi tshikhathi tsha tshivhidzo, “Ndo vheya phanda hau Munango wo vuleyaho.” O ralo kha tshikhathi tsha tshivhidzo tsha Methodisi, vho ḥutshela kule Nawo, vha ya kha dzangano. “Fhedzi ndo vheya phanda hau Munango wo vuleyaho.” Zwino, nga murahu ha musi v̄ho ḥanganedza u khethefhadzwa, A ri, “Ndi ño vheya Munango wo vuleyaho,” une wa vha Muya Mukhethwa. “Nga Muya muthihi rōthe” (hani?) “lovhedzwa kha Muvhili une wa vha Kristo.” O vheya uyo mulaedza phanda ha tshivhidzo tsha Methodisi huno vha sudzulutshela thungo Hawo. Vha swika kha u khethefhadzwa huno vha landula Muya Mukhethwa. Elelwani hezwo? Uyo “Munango wo vuleyaho.”

⁹⁵ Naa ni dzhena hani kha Kristo? Nga Muya muthihi, Muya Mukhethwa, une wa vha Muya wa Kristo. Ro dzhena ngomu, hu si nga u khaðana, hu si nga u shashana, fhedzi nga ndovhedzo nthihi ya Muya Mukhethwa rōthe ro lovhedzelwa kha Muvhili muthihi nahone ra itwa vha na mukovhe kha uyo Muvhili. Ndovhedzo ya Muya Mukhethwa nthihi kha uyo Munango.

⁹⁶ Hoyu Munango wo vhewa Tadulu, u la Munango, musi a tshi sedza n̄tha a vhona Murena Yesu. Itanu lavhelesa tshipida tshi no tevhela tshatsho. Uyo Munango, ene Murena Yesu.

... nda lavhelesa, huno, vhonani, munango wa vuliwa
ngei tađulu: huno ipfi la u thoma . . . le nda pfa ho vha . . .
lone ipfi la phalaphala . . .

⁹⁷ Zwino vhupo vhu khou shanduka. Yohane o vha o sedza Patimosi, huno zwino u sedza n̄tha. Ndi ngani? U vhona tshiñwe tshithu tshe tsha ya kha lifhasi hafha (hezwi zwikhathi zwa Tshivhidzo), u tsa fhasi nga kha Zwikhathi zwa Sumbe zwa Tshivhidzo, huno nga murahu ha musi o no fhedza zwikhathi zwa tshivhidzo, nga murahu ha hezwo, nga murahu ha musi zwikhathi zwa tshivhidzo zwo no fhela, a pfa Ipfi. Huno a lavhelesa n̄tha Tađulu huno a vhona Munango wo vuleyaho, huno Ipfi la u thoma lo pfala sa phalaphala. Zwo luga, vhupo ho shanduka u bva Patimosi u ya Tađulu.

⁹⁸ Lone Ipfi lo vha li Ipfi lithihi le la tshimbila nga zwiomambone zwa sumbe zwa musuku; Ipfi lithihi, lone Ipfi lithihi a li shanduki. Fhedzi, lone Ipfi, naa Lo vha li gai musi a tshi Li pfa lwa u thoma? Ndi vhangana vhane vha elelwa kha tshikhathi tsha u thoma? Murahu hae. “Ndo vha ndi Muyani nga duvha la Murena,” Nzumbululo 1–1:10. Ngauralo a... “Kha wone Muya.” Arali ni tshi khou ḥoda u vheya hezwo kha Nzumbululo 1:10 na 13, “Ndo vha ndi Muyani nga duvha la Murena, huno nda pfa murahu hanga sa Ipfi la phalaphala huno la pfala sa madi manzhi. Huno musi ndi tshi lavhelesa u sedza, nda vhona Muñwe o ima vhukati ha zwiomambone zwa musuku zwa sumbe.”

⁹⁹ Zwino, nga murahu Ha musi o mu sumbedza tshipihiri tsha izwo zwiomambone zwa musuku zwa sumbe (o fara naledzi dza sumbe, na dugu tshena, na zwiñwe zwinzhi, na milenzhe i no nga musinaseñha, na mañø a no nga mulilo, zwone zwiga), zwenezwo a pfa Ipfi lithihi (Lavhelesani.) a tshi amba u bva Tađulu. Huno a lavhelesa n̄tha huno a vhona Munango wo vuleyaho. Oo! Wone Munango wo vuleyaho ngei Tađulu! Naa ni dzhena hani? Nga Kristo Yesu, uyo Munango muthihi, Ndila nthihi, a hu na inwe ndila.

¹⁰⁰ “Muñwe muthu ane a ña nga inwe ndila, onoyo ndi mbava na fobvu.” Huno kha tshifanyiso tsha we a dzhena huno a vha kha Tshilalelo tsha Munyanya a si na nguvho, a wanala a na mulandu, huno a vhofhiwa huno a poswa kha swiswi la nn̄da nn̄da. Hu na Ndila nthihi, u ña kha Tshilalelo tsha Munyanya. Ndi a tenda ndo funza ngazwo fhano a si kale. Huñwe na huñwe hune muhwe. . . Musi munna a tshi. . . a tshi maliwa kha shango la kale, u teya u neya thambo ene muñe, u teya u khavhisu nguvho ene muñe. Ngauralo musi a tshi ḥangana na hoyu munna hafha, ene o dzula kha ḥafula ya tshilalelo. . . Naa ndi vhangana vhane vha elelwa

tshifanyiso? Zwa vhukuma, vhoiñwi vhane vha vhala Bivhili. Huno a wana munna kha ṭafula ya tshilalelo a si na nguvho ya munyanya khae.

¹⁰¹ Naa ndi mini? Ene Muhwe u ima kha munango huno vhethe vha da na thambo. “A hu na muthu ane a nga da kha Khosti nga nn̄da ha Nñe. Vhothe vhe Khotsi a Mpha vhone, kana a rambiwa, vha ñ do da kha Nñe.” Hafha vha ya da, vha neya thambo dzavho, ene muhwe, uri muñwe na muñwe a vphonale a tshi fana. Ndi tshithu tshithihi nga zwavhuđi, zwifhinga zwa kale, vhurereli ha Muya Mukhethwa, hu vha ita uri vha fane. Kana vho pfuma kana u shaya, u vhofhiwa kana u vhofholowa, vhatswu kana vhatshena, vhanna kana vhasadzi, vhothe ndi vhathihi kha Kristo Yesu. Huno Muhwea ima kha munango huno a ṭanganedza dzithambo, a vheya nguvho u mona na hoyu muthu, uri vhapfumi na vhashai vha vphonale vha tshi fana. Ndi nga ndila ine zwa vha ngayo kha Muvhuso wa Mudzimu, a hu na vhatu vhahulu na vhaṭuku; vhothe ndi vhatu vhathihi, vhathihi vhothe kha Krsito.

¹⁰² Zwino, naa ni elekanya mini musi Muhwea tshi vhuya murahu a wana muthu o dzula heneffo a si na Nguvho ya Munyanya yo ambariwa? A ri, “Khonani, naa no dzhena hani hafha?” Huno a fhiamelwa, zwi sumbedza uri o da nga iñwe ndila nga nn̄da ha Munango. O da nga fasiñere, o da nga tshivhana. Huno A mu vhidza khonani, two sumbedza uri o vha a murado wa tshivhidzo, “Khonani, naa ni dzhena hani ni si naya tshimima?” Zwino, Yesu a amba hezwi, Ene muñe. Huno A vhidza muthusi, A ri, “Mu vhofheni, milenzhe na zwanda.” Huno a poswa nn̄da kha swiswi hune ha ñ do vha na u lila, tswimila, na u shenganya mano. Ndi Kristo nga Maipfi Awe, (Ndi zwone.) “O kudzwa nn̄da.” Ngauri, zwi sumbedza, hu si na Nguvho ya Munyanya, o da nga iñwe ndila nga nn̄da ha Munango. Arali o vha a tshi ñ do da nga Munango, o vha a tshi ñ do vha o ṭanganedza Nguvho ya Munyanya.

¹⁰³ Oo, thetselesani hezwi! Zwenezwo arali Nguvho ya Munyanya i ndovhedzo ya Muya Mukhethwa, naa ri khou ya u imelelwa hani nga iñwe ndila? Arali tshivhidzo tsha u thoma tsho teya u da nga Munango, Kristo Yesu, na lovhedzwa nga Dzina la Yesu Kristo, u ṭanganedza ndovhedzo ya Muya Mukhethwa, u ambara Nguvho ya Munyanya, naa ri khou ya u da hani nga iñwe ndila? Arali na da nga Methodisi, nga Baphuthisi, kana nga Vhapentekostala, kana nga iñwe dinomineisheni, ni ñ do vhofhiwa na kudzwa nn̄da swiswini. Ni teya u da nga Kristo Yesu, ene Ndila, ene Munango, ene Ngoho, ene Vhutshilo. Amen!

¹⁰⁴ Zwo luga, ipfi Lithihi, Nzumbululo 2, kana, Nzumbululo 1:10 na 13. Huno ndi khou ḥoda inwi ni tshi dzhiela nzhele, lone Ipfi le a pfa li tshi amba nae lo vha na u pfala ha phalaphala. Ni a ñivha uri phalaphala i pfala hani, i fha muungo muhulu. Naa phalaphala i amba mini kha Bivhili? Nndwa. Tshifhinga

tshiñwe na tshiñwe musi ni tshi vhona phalaphala i tshi lila, yone nndwa...kha zwone zwifhinga zwa Bivhili, u lila hayo zwo amba nndwa, kana nzumbululo kana tshiñwe tshithu tshi tshi iteya.

¹⁰⁵ Zwino, u...Nga murahu ha musi tshikhathi tsha tshiyhidzo tsho no fhela, huno tshiñwe na tshiñwe tsho no lugela, o lugiselwa nzudzanyo ya ndima ya vhu⁴ hafha, zwikhathi zwa tshiyhidzo zwo vha zwo no fhela. O vha o no ḥutshela lifhasi, ni a vhona. Elelwani, lone Ipfi le la amba nae, murahu hawe, kha zwiṭomambone zwa sumbe zwa musuku, mushumo wo vha wo fhela. Huno zwino ilo Ipfi lithihi lo vha li tshi khou amba ngei Taḍulu. Naa ndi mini? O vha o no rengulula vhathe Vhawé. Wawé mushumo wa lifhasi wo vha wo no fhea, huno O vha a Vhugalani, a tshi vhidza Yohane, “Ida ngeno n̄tha!” Uh-hum. Amen! Izwo zwi nnyita uri ndi di pfe u nga ndi nga ḥavha mukosi nga madekwa a u tshela Nwaha Muswa. Yawee, nne nne! Khezwo-ha. Ni a vhona, no lugela, “Ida n̄tha hafha!”

¹⁰⁶ Nndwa! Hafha ndi mbekanyo ya nndwa khulwane; vhathe vhe vha landula Mulaedza wa Mudzimu, vha landula Muya Mukhethwa, ene Muḍin̄a wa zwivhidzo zwa sumbe. Onoyo we a landula hoyu Mulaedza wa tshilidzi Tshawe hu si na tshithu tsho salaho, fhedzi khaṭhulo dzo lugela; oo, musi A tshi khou lugisela u shela mathupho kha lifhasi zwino. “Idani ngeno n̄tha huno ndi do ni sumbedza zwine zwa khou lugela u iteya. Kristo a tshi khou landulwa, muitazwivhi a si Mukhethwa, Ndi khou ya u shela mbiti Dzanga kha iwe.”

¹⁰⁷ Lavhelesani mbekanyo. Oo, vhunga ri tshi tsa fhasi nga kha masiku ni do wana zwinzhi zwazwo na zwinzhi zwazwo tshifhinga tshoṭhe. Ri nga si wane tshiñwe na tshiñwe hafha, ri teya u vhambedza fhethu u ya fhethu. Uri izwo zwi khou ya u vha hani tshithu tshiofhosaho kha avho musi phalaphala ya u fhedza i tshi lila, huno musi nndwa ya u fhedza i tshi lwiwa, musi mulaedza wa u fhedza u tshi funziwa, musi luimbolwa u fhedza lu tshi imbiwa, huno ra ima kha Tshidzulo tsha Khaṭhulo tsha Kristo. Ni khou ya u vhudziswa, “Ndi ngani ni songo Zwi ḥanganedza? Naa no ita mini nga Vhutshilo he nda ni fha?” Ni do humbelwa u fha mbuno. Mini-ha zwenezwo?

¹⁰⁸ No no mpfa ndi tshi imba luimbo, kana u lu lingedza:

Mini-ha zwenezwo? Mini-ha zwenezwo?
 Musi Bugu khulu i tshi do vulwa, mini-ha zwenezwo?
 Musi avho vho landulaho Mulaedza
 Vha tshi do humbelwa u fha mbuno, mini-ha zwenezwo?

¹⁰⁹ Ni khou ya u ima heneffo, u tou vha na vhuṭanzi sa heyi Bugu yo nwaliwa. Ni do vha...ni khou ya u ima heneffo huno na vhudziswa mbuno. Oo, zwi ya ri vhofha, mukomana wanga,

khaladzi, zwi ya ri kombetshedza, sa vharwa na vhananyana vha Mudzimu, u disengulusa awara inwe na inwe ya duvha. Paulo o ri, "Ndi fa duvha nga duvha. Naho two ralo ndi a tshila, hu si nne fhedzi Kristo u tshila kha nne." Ni a vhona? Toliwani, ngauri a ni divhi uri ndi awara ifhio ine na khou ya u vhidziwa u fhindula N̄tha.

¹¹⁰ Zwino, "Ra pfa Ipfi la phalaphala." Zwo luga. Dzhielani nzhele, dzhielani nzhele zwe Yohane a amba, o amba hafha, kha tshipida tsha u fhedza tsha heyi ndima ya vhu1:

... *Ipfi la u thoma... lo vha... u fana na phalaphala ye ya amba na nne; huno ya ri, Ida ngeno n̄tha,...*

Ida ngeno n̄tha! Ndo ni sumbedza zwikhathi zwa tshivhidzo kha lifhasi; zwino idani ngeno n̄tha *hafha*, ndi khou ya u ni sumbedza uri tshiñwe tshithu tsho iteya ngeno n̄tha hafha.

¹¹¹ Ni a vhona, Kristo o vha o no tutshela lifhasi zwenezwo, O vha o no ya Vhuglani, Tshone tshikhathi tsha tshivhidzo tsho vha tsho no fhele, zwi sumbedza uri Muya Wawe wo vha wo no fhedza hafha. Huno O vha o no ya Vhuglani huno o vha atshi khou vhidza uri Yohane a de n̄tha, huno O mu sumbedza zwe zwa vha zwi tshi khou ya u tevhela. "Ida ngeno n̄tha."

¹¹² Zwino, ri dzhieila nzhele Yohane, ndima ya vhu2...yone ndimana ya vhu2. Dzhielani nzhele, nga u ḥavhanya, Yohane o engedza hezwi:

Huno nga u ḥavhanya... (Amen!)

¹¹³ Oo, arali nda difara nga ndila i seisaho, ndi tou di pfa ndi wavhuđi. Yohane a engedza:

... *nga u ḥavhanya ndo vha ndi tuyani:...*

¹¹⁴ Musi ni tshi pfa Ipfi la Mudzimu li tshi amba na inwi, tshiñwe tshithu tshi a iteya. Amen! Oo, naa two iteya kha inwi nga u ralo? Zwo ralo kha nne, miñwaha ya furaru-nthihi yo fhiraho, huno a thi ngo tsha dovha nda fana u bva zwenezwo. Oo, musi A tshi ri, "Ida kha Nne, vhoinwi vhane no lemewa na u tsikwa, ndi do ni fha vhuawelo." Zwo ntshandukisa.

¹¹⁵ Yohane a ri:

... *nga u ḥavhanya ndo vha ndi tuyani... (Muya u fhio? Wone Muya Mukhethwa. Oo!)... Ndo vha ndi tuyani: huno, vhonani, yone khuluñoni yo vhewa tadulu, huno munwe o dzulaho kha iyo khuluñoni.*

¹¹⁶ Ni a vhona, Yohane o ḥutshela lifhasi zwino. Kristo o ḥutshela lifhasi (nga tshivhumbeo tsha Muya Mukhethwa) huno o vhuya murahu kha Muvhili hafhu. Namusi Muvhili u heneffo sa tshihumbudzi, sa tshiṭavhelo. Ri wana hezwo u tsa fhasi nga kha ndima hafha. Fhedzi wone Muya wa Kristo u vhuya murahu u tshila kha Tshivhidzo, u tshila kha riñe.

¹¹⁷ Zwino, nga u ḥavhanya musi O no sumbedza magumo a tshikhathi tsha mushumo Wawe hafha, O ya n̄tha Tađulu, A ri, “Ndi do ni sumbedza zwine zwa khou ya u vha hone nga murahu ha hezwi, nga murahu ha zwikhathi zwa tshivhidzo.” A ri, “Yohane, ndi nga si ambe na inwi fhasi hafha na khathihi, ngauri ndo ṭuwa fhasi hafha, ndo no vha ngeno n̄tha. Idā ngeno n̄tha na Nne!” Amen! “Huno ndi do ni sumbedza zwine zwa khou ya u iteya nga murahu.” Yawee, n̄ne n̄ne! Hmm! Oo! O gavhiwa kha bono, o gavhiwa Vhugalanī.

¹¹⁸ Tshawe tshenzhemo tshi teya u vha tsho nga itsho tsha Paulo. Vhakorinta ya Vhuvhili 12:2 na 4, arali ni tshi khou vheye fhasi. Vhakorinta ya Vhuvhili . . . 2 u swika 4. Paulo o gavhiwa l̄inwe duvha, kha lone . . . kha lone bono, naye. Naa ni tshi zwi ȳivha izwo? Huno a vhona zwithu zwe ene a vha a sa koni na u zwi amba; lwa miwaha ya fumiña, ha ngo vhuya a zwi bula. Ni a vhona? Fhedzi thetshelesani kha phambano vhukati havho.

¹¹⁹ Zwe Paulo a zwi vhona, o hanewa u zwi amba kana u zwi is nn̄da vhathuni. Yawee, n̄ne n̄ne! A thi kholwi o vha a tshi nga zwi ita. (Ngauri, lwendo luṭuku lwe nda lu dzhiya l̄inwe ḫuvha, a thi athu na u bva khalwo nahone a thi nga vhuyi nda ralo.) Ni a vhona, o—o vhona zwithu zwine o vha a nga si ambe nga hazwo. Ndi a kholwa ha ngo vha na maipfi a . . . o vha o gavhiwa kha liṭadulu ṭa vhuraru, naho zwo ralo. Ni a vhona, n̄tha kha Tiđalu ṭa vhuraru.

¹²⁰ Zwo fhambana hani musi Yohane a tshi gavhiwa n̄tha huno a vhona Yesu, o vha . . . A ri, “Zwi nwale kha bugu zwe wa vhona huno u zwi rumele, u zwi rumele kha zwivhidzo murahu.” Paulo o dzivhelwa u amba, huno na Yohane o humbelwa uri a zwi vheye kha bugu uri zwi kone u tshimbila n̄dila yoṭhenga kha zwikhathi. Yawee, n̄ne n̄ne! Zwo dzumbululwa zwino, zwi do dzumbululwa kha hetshi tshikhathi tsha u fhedza. A zwi ngo dzumbululwa nga ḫuvha ḥawe, zwi ya dzumbululwa zwino vhunga ri tshi bvela phanda.

¹²¹ Oo, huno dzhielani nzhele, Yohane, a tshi dzhiwi nga u ḥavhanya nga murahu ha tshikhathi tsha tshivhidzo, o vha a tshi fanyiso tsha Tshivhidzo tsho takulelwaho ṭadulu. Nga u ḥavhanya nga murahuha musi tshikhathi tsha tshivhidzo tsho fhela, hetshi Tshikhathi tsha Ladokia, zwenezwa ha da U Takulelwah ṭadulu. Tshone Tshivhidzo tshi ya n̄tha vhunga Yohane o ralo, kha Vhuhone ha Mudzimu. Yawee, n̄ne n̄ne! Whew! Izwo zwi tou dzikusa myua wanga. U gavhiwa, kha U Takulelwah ṭadulu ha Tshivhidzo! Huno Ya ri . . . Hafha fhethu, heyi Bugu ya Nzumbululo, yo nwaliwa, ni a vhona, kha magumo a tshikhathi tsha tshivhidzo.

¹²² Zwino, ndo wana tshiñwe tshithu tshiñtuku hafha tshire nda khou ṭoda u tshi bvisela khagala kha tshiñwe tshithu tshe tsha vha tsho nembelela lwa tshifhinga tshilapfu kha Vhakriste

vhanzhi. Huno ndo elekanya namusi, musi ndi tshi khou guda, ri tshi ñwala Mañwalo, huno ri tshi wana madzina na mivhala yo fhambananaho na zwithu. Ri do dzhena khazwo nga murahu ha tshifhinga, yone misengavhadzimu na zwone zwiga, na zwinwe zwinzhi. Ndo vha ndi tshi khou ñwala haya Mañwalo hafha uri ndi kone u sedza murahu khao huno nda tikedza ngao, arali ndi . . . ri tshi bvela phanda. Ngauri, kanzhi, arali ndo vha ndi tshi khou ya u amba nga ha tshinwe tshithu tsha u rali, ndi do vha . . . tshi do vha tsho fhambana, ndi linedza u tshi divhya nga mbilu. Fhedzi nga heyi ndila, musi ni tshi tou vha na tshifhinga tshituku, ndi takalela u tikedza khazwo ngauri zwi ya u swika kha Mañwalo, murahu na phanda.

¹²³ Zwino, kha Mateo 16:13, ri wana hezwi, arali vhoinwi vhanne na khou ñwala Mañwalo fhasi. Mateo . . . Arali ni tshi khou ḥoda u humela . . . arali ni tshi khou ḥoda u a vula, zwo luga, Mateo 16:13. Ndi . . . Oo, ri do tou humela murahu ra i vhala, huno zwenezwo ri do vha nayo zwa vhukuma. Mateo yone ndima ya vhu16, na ndimana ya vhu13. Thetshelesani nga vhuroñwane zwino musi ri tshi vhala 16:13, “Musi Petro a tshi da . . .” Kana:

*Musi Yesu a tshi da kha khunzikunzi ya Khesara
Filipi, a vhudzisa vhafunziwa vhawe, a tshi ri, Naa
vhatu vhari . . . Nye ene Murwa wa muthu ndi nnyi?*

*Huno vha ri, Vhañwe vha ri . . . iwe u Yohane ene
Mulovhedzi: vhañwe, Elia; huno vhañwe, Yeremia,
huno, kana muñwe wa vhaporofita.*

A ri khavho, Fhedzi vhoinwi ni ri nne ndi nnyi?

*Huno Simoni Petro a fhindula a ri, Iwe u Kristo, ene
Murwa wa Mudzimu a tshilaho.*

*Huno Yesu a fhindula huno a ri khae, U na mashudu,
Simoni Murwa-yona: . . . ñama na malofha a zwi ngo u
dzumbululela hezwi kha iwe, fhedzi Khotsi anga vha re
tađulu.*

*Ndi ri . . . kha iwe, Iwe u ene Petro, huno kha heli
tombo ndi do fhaṭa tshivhidzo tshanga; huno khoro dza
vhudzulavhafu a dzi nga tshi kundi.*

*Huno zwino . . . Huno ndi do u ñeya dzone khono
dza muvhuso wa tađulu: huno tshinwe na tshinwe
tshine iwe wa do vhofha kha liphasi tshi do vhofhiwa
ngei tađulu: . . . tshinwe na tshinwe tshine iwe wa do
vhofholola kha liphasi tshi do vhofhololwa tađulu.*

*Zwenezwo a laya vhone vhafunziwa vhawe uri vha
songo vhudza muthu uri o vha a Yesu Kristo.*

¹²⁴ Thetshelesani zwino. Zwo luga. “Ngauri tshifhinga tshi thoma . . . U bva itsho tshifhinga A thoma . . .” Ndi khou ḥoda u wana iñwe, ni nga i vhala u tsa fhasi, wanani ndimana ya vhu28, ngauri ni nga vhala iñwe yothe musi ni tshi ya hayani.

Ngoho—ngoho ndi a ni vhudza, Hu do vha na vhañwe vho imaho hafha, vhane a vha nga thetsheli lufu, u swika vha tshi vhona Murwa wa muthu a tshi da kha muvhuso wawe.

¹²⁵ Oo, humbulani nga hazwo! “Vhañwe vho ima hafha, vhañwe vho hafha, a vha nga thetsheli lufu u swika vha tshi vhona Murwa wa muthu a tshi da kha Muvhuso Wawe.” Ndi tshitatamennde-de nandi! Nga ndila ine vha vhasasadzi vha takalela u topola izwo huno vha tou sumbedza uri ha ngo thanya hani, ni a vhona. U funa hani u fara izwo, huno zwo da zwa khunyelela huno a vho ngo divha tshithu nga hazwo. Ni a vhona? Zwo luga.

¹²⁶ Nga murahu ha tombo la u bula, zwine ra zwi divha uri u bula hawe ndi. . . U do fhaṭa Tshivhidzo Tshawe kha heli tombo lithihi. Hu si Petro, a tshi vha tombo liṭuku, sa zwine Roma Katolika ya lingedza u zwi amba. Fhedzi u dibula ha Petro ha Nzumbululo ine ya vha Tshivhidzo. Mudzimu u do Zwi dzimbulula; hu si u dibula ha hoyu muthu, ngauri nga murahu o guneya. Hu si u dibula Hawe a tshi vha Murwa wa Mudzimu; ngauri vho zwi divha uri Ene ndi Murwa wa Mudzimu, Petro o tou zwi amba. Fhedzi zwe zwa vha zwi zwone, zwi zwone, yone Nzumbululo ye ya dzumbululwa u bva Tađulu ya uri O vha a Murwa wa Mudzimu. A ri, “Nama na malofha a zwi ngo vhuya zwa u funza, fhedzi Khotsi Anga a re Tađulu o zwi dzumbulule iwe. Huno kha heli tombo, heļo tombo ndi u bula, ndi do fhaṭa Tshivhidzo Tshanga, huno khoro dza hele dici nga si tshi kone. . . kone U tshi kunda.”

¹²⁷ Ndi a kholwa a ri fhelelwi nga tshifinga na riñe nga u tavhanya hafha zwino, uri ri kone u dzhena thwii kha hezwi. Huno ri khou ḥoda u vhona uri izwo zwi tshimbila hani kha vhatu. Ndi nganeya yavhuđi heneffha arali ra nga tou dzhena khayo. Zwo luga. Ee, lone tombo la u bula, zwe Petro o vha. . . O vha a tshi do fhaṭa Tshivhidzo Tshawe kha u bula ha Petro. A ri, “Vhañwe vha vho inwi noimaho hafha a ni nga thetsheli lufu u swika vha tshi vhona ene—ene Murwa wa Mudzimu kha Muvhuso Wawe.”

¹²⁸ Zwino, elelwani, O amba “vhañe.” Vho vha vha tshi fhira muthihi, naa a zwi ngo ralo? *Vhañwe vha do vha vhanzhi, “u fhira muthihi.”* Fhedzi zwino lavhelesani, vhone Vhafunziwa vhawé vhothe vho vha vho ima heneffho, huno O vha a tshi khou vhudzisa muñwe na muñwe wavho, “Naa ni elekanya mini nga hezwi? Huno ni elekanya mini nga hezwila?” Fhedzi A ri, “Hu na vhañwe vha vho inwi vho imaho hafha, vhañwe vho ima hafha, a vha nga thetsheli lufu u swika vha tshi vhona Murwa wa muthu a tshi da kha Muvhuso Wawe.” Yawee, nne nne! Tshitatamennde-de nandi! Humbulani, hezwo zwo ambiwa miñwaha ya zwigidi zwivhili zwo fhiraho.

¹²⁹ Naa ni . . . naa . . . Naa Ipfi ḥa Mudzimu ndi li sa kundelwi? Ipfi linwe na linwe line A amba li do vuledzeya?

¹³⁰ Zwino, arali ri tshi ṭoda, u vula kha ndima ya vhun¹⁷ ya Mateo ndi i tevhelaho. Musi A tshi dzhiya . . . Mađuvha a si gathi nga murahu ha hezwo, A dzhiya Petro, Yakobo, na Yohane, n̄tha kha thavha, kule, u vha dzithanzi. Petro, Yakobo, na Yohane; huno vha vhona Muvhuso wa Mudzimu u tshi da nga maanda, vha vhona u vhuya ha Muvhuso wa Mudzimu u tshi dovhola. Amen! Oo, vho diswa kha mbonalo ya u lavhelesa wone Muvhuso wa Mudzimu u tshi dovhola. Vhunga U tshi da, hovhu u dzheniswa nga Nwahagidi. Vha vhona ndovhololo thangeli.

¹³¹ Tshinwe tshifhinga zwa kale . . . tshigwada tsha vhashumeli, Oral Roberts o vha a muñwe wavho. Cecil B. DeMille, musi a tshi nwala heyi *Ten Commandments*, o vhidza Mukomana Shakarian, Mukomana Roberts, vhafunzi vhanzhi u mona na shango, vhafunzi vhanzhi vho vha vha tshi nga da, huno a vha ramba uri vha de kha situdio phanda ha musi a tshi nga bvisa tshifanyiso, huno a ri vha vhona ndovhololo thangeli yazwo phanda ha musi i tshi nga bviselwa nn̄da, musi vho vha vha tshi khou badelisa dolara dza fumbili-thanu kha thikhithi. Fhedzi a . . . Vha vhona ndovhololo thangeli yazwo, uri vha kone u bvisa mihumbulo yavho uri kana ho vha hu na zwine vha nga sasaladza nga hatsho kana zwine zwa nga ambiwa, na zwinwe zwinzhi. Vho i vhona phanda ha musi vhatu vha tshi i vhona.

¹³² Huno Yesu o ri, “Vhañwe vha vhoiñwi no ima heneñho” (Amen!) “a vha nga thetselesi u swika vha tshi vhona Muvhuso wa Mudzimu u tshi da nga maanda,” kana, “u vhona Murwa wa muthu a tshi da kha Muvhuso Wawe,” kha ndi ralo. “Ni tshi vhona Murwa wa muthu a tshi da kha Muvhuso Wawe!” Mađuvha a si gathi nga murahu ha hezwo, A dzhiya Petro, Yakobo ma Yohane, huno vha ya n̄tha kha thavha ndapfu, huno heneñho A shandukiswa phanda havho. Lone duvha, li tshi penya, lo vha li nga si fane na nguvho Yawe ye A vha a nayo. Ndi lungana ri tshi zwi kwama kha tshifanyiso, ro vha ri tshi do zwi tshimbidza nga kha Bivhili!

¹³³ Ni nga dzhiya linwalwa lithihi la Lunwalo huno na tuma Bivhili yothe ngalo. Ee, muné wanga. Hu si na u bvuda huñwe fhethu! O ñadzwa nga maanda a Mudzimu. Diabolo o vha a nga si dzhene arali a tshi ṭoda u ralo. Ndi zwone. A nga si dzhene kha avho vhatu vhakhethwa vhe vha vheyva vhatanzi havho nn̄da afho huno vha tenda kha Muvhuso wa Mudzimu, huno vha dzhiya Lunwalo luñwe na luñwe huno vha lu dadza nga maanda a Muya Mukhethwa, vha lu tanzwa nga Malofha; lone shango li nga si dzhene ngomu, ene diabolo a nga si dzhene ngomu. Vho fa, matshilo avho o dzumbiwa kha Kristo nga kha Pfundo la Mudzimu, nga wone Muya Mukhethwa. Naa diabolo a nga vha dzindela hani? Hmm! Heneñho khevho, kha heyi nyimele zwino.

¹³⁴ Nga hafha fhethu, zwenezwo, a vhona u Vhuya, kana u dovhohola. Huno ndi mini tsha u thoma, a vhona... tshithu tshe a vhona? Thsithu tsha u thoma tshe a vhona kha u Vhuya ho vha hu Mushe, a tshi imela vhakhethwa vhofaho vhane vha do vuswa. Eliya o vha o ima henefho.

¹³⁵ Oo, ndi khou ḥoda vhoiwi ni tshi dzhiela nzhele zwine zwa do iteya. Ho vha hu na Mushe, u thoma; ndi hezwi zwikhathi zwa sumbe zwe vha edela, zwikhathi zwa rathi zwa tshiyhidzo. Hu si hezwo fhedzi, fhedzi Eliya o vha a henefho; ene mudinda wa mađuvha a u fhedza, na tshigwada tshawe, tsha vho shandukiswaho, vhone vho Takulelwaho Tađulu. Ame! Zwino kha vhumatshelo; vho lindela u Vhuya.

¹³⁶ Huno naa vha itani vhothe...? Vhothe vho kuvhangana Nae. Yawee, nne nne! Naa ho vha hu mini? Yawe pfulufhedziso kha Petro, Yakobo, na Yohane, yo khunyelela. Ndi zwone. Ngauri O ri, "Vhańwe vho imaho hafha a vha nga thetsheli lufu u swika vha tshi vhona ene Murwa wa muthu a tshi da kha Muvhuso Wawe," huno vha vhona ndovhololo thangeli yazwo. Zwenezwo nga murahu ha hezwi, nga murahu ha mvuwo...

¹³⁷ Ndi do takalela u ni disa kha tshińwe tshithu; nga murahu ha musi Yesu o fa, u vhulungwa, kha Yohane Mukhethwa 21:20. Vhańwe vha sasalandzi vha thoma hezwi nga mađuvha a u ranga. Henefha musi ri kha heyi ngudo, kha ri zwi kunakise. Kha Yohane Mukhethwa 20:20, Yesu o vha o ḥangana na vhafunziwa Vhawe, a vha kanzwa nga khovhe na tshinnkwa kha mulilo. Huno vhunga vha tshi ya n̄tha kha khunzikunzi, Yohane a gogodela kha zwirumbi Zwawe; huno Petro a vhudzisa mbudziso, a ri, "Naa hu do iteya mini kha uyu munna?" Yesu o vha a tshi funa Yohane, Yohane o vha a muthu wa lufuno. Huno a ri, "Naa hu do bvelela mini kha hoyu muthu? Naa tshiimo tshawe tshi khou ya u vha mini? Naa vhumatshelo hawe vhu khou ya u vha mini?"

¹³⁸ Huno Yesu a ri khavho, "Ndi mini kha vhoiwi arali a tshila u swika ndi tshi da, u swika ndi tshi vhuya? Naa ndi mini?"

¹³⁹ Huno vhafunziwa vha ita phoswo, vha amba u ri "Yesu ori u—u—u do tshila u swika a tshi Vhuya."

¹⁴⁰ Fhedzi Yesu ha ngo ita phoswo. Hanefha kha Nzumbululo, yone ndima ya vhu⁴, Kristo o vhulunga Ipfi Lawe! O disa Yohane n̄tha Tađulu huno a ita ndovhololo thangeli ya tshithu tshothe khae. Vhugala! O—o vhona marangelaphanda. O zwi vhona u nga o vha a tshi khou tshila kha lifhasi huno a vhona tshikhathi tsha tshiyhidzo tshi tshi fhira, na kha u da ha Murena, yone Bugu yothe ya Nzumbululo. Yawee, nne nne!

¹⁴¹ Ni a vhona uri pfulufhedziso Dzawe a dzi kundelwi hani? Zwino, no nangiwa... Yakobo u ita hezwo; Yohane, na vhańwe vhothe; o vha a nga si tendele na Paulo a tshi zwi vhona, zwi amba, a hu na tshithu.

A ri, “Ndi mini kha vhoiñwi arali a tshila u swika ndi tshi vhuya?”¹⁴²

¹⁴² Huno nga uri a amba hezwo, O tou nanga Yohane huno a mu isa nt̄ha huno a mu sumbedza tshithu tshothe phanda ha musi a tshi vhuya a fa, u tou fana na musi o tshila tshithu tshothe u mona. A mu sumbedza zwine zwa do vha! (Mukomana Pat, naa izwo a si zwavhudzi?) Oo, ni a vhona, a mu topola. Henefha, yone ndima ya vhu4 na ndimana ya vhu2, i ya zwi tikedza. “O mu sumbedza zwithu zwe zwa vha, zwine zwa vha, huno na zwine zwa do da.” O mu sumbedza tshikhathi tsha tshivhidzo, u da ha Vhayuda, u shelwa ha mat̄upho, hone U Takulelwa Tađulu, hone u Vhuya hafhu, na wone Nwahagidi, nahone Haya ha U Ya Nga Hu Sa Fheli ha Vhotshidzwaho Vhawe; vhunga o tou tshila fhasi kha tshithu tshothe, huno a zwi vhona zwi thsi iteya zwe the. Ni a vhona? Ni a vhona? O tou mu i sa nt̄ha huno a mu sumbedza yone—yone—yone filimu, mu litsheni a vhone tshithu tshothe tshi dovhololwa. Yawee, nne nne!

¹⁴³ O gavhiwa nt̄ha. A khunyeledza pfulufhedziso yawe kha—kha Nzumbululo 4:2. Phanda ha lufu lwave o vha o gavhiwa Muyani huno a vhona zwithu vhungao tou tshila. Ene—ene o zwi vhona zwi tshi dovhololwa. Ndi zwe a vhona, nga bono, kokotolo zwe zwa vha zwi tshi do iteya huno naa ndi mini zwo iteaho kha lifhasi u bva nga itsyo tshifhinga u swika nga u Vhuya ha Murena Yesu. A mu sumbedza nga bono.

¹⁴⁴ Ngauralo zwenezwo vhafunziwa...kana a hu na we a vhuya a ri O ri U do da nga itsyo tshikhathi. A ri, “Naa ndi mini kha vhoiñwi arali, (nga mañwe maipfi), arali a tshila u swika ndi tshi vhuya?” Zwenezwo A mu isa nt̄ha huno a tou dovholola tshithu khae huno a mu sumbedza zwe zwa vha zwi tshi khou ya u iteya. Oo, ndi tou funa hezwo. Hmm. Yawee, nne nne!

¹⁴⁵ Dzhielani nzhele zwino, kha ri vhone uri ho vha hu mini izwi:

Huno nga u ḥavhanya ndo vha ndi muyani: huno, vhonani, khuluñoni ya vhewa tađulu, huno munwe a dzula khayo, kha yone khuluñoni.

¹⁴⁶ Ho vha hu na “Ipfi” le la mu vhidza. Oo, ilo Ipfi! Oo, ndi nga si bve kha hezwo, ilo Ipfi la Uyo a ri murahu hawé. Zwenezwo a lavhelesa u mona henefha, huno A mu sumbedza zwikhathi zwe the zwa tshivhidzo, ngauri o vha o ima kha zwikhathi zwa tshivhidzo, zwone zwitomambone zwa sumbe zwa musuku. Zwenezwo a pfa lia Ipfi nga murahu ha musi zwikhathi zwa tshivhidzo zwo no fhela; ilo Ipfi la tutshela lifhasi, la ya nt̄ha. Musi A thsi da nt̄ha kha Vhugala, o Mu pfa a tshi ri, “Idani ngeno nt̄ha! Ndi khou ya u ni sumbedza zwine zwa khou ya u bvelela u bva zwino.” Yawee, nne nne!

¹⁴⁷ Ilo Ipfi! Kha ri ambe nga ilo Ipfi lwa minete; ndo wana mañwe Mañwalo o ñwaliwa fhasi hafha. Kha ri ye kha

Vhathesalonika ya u Thoma 4, huno ni tou thetshelesa zwine heli Ipfi la khou ya u amba. Oo, rothe ri a divha zwine La khou ya u amba, hu si na... phanda ha musi ri tshi i vhala, naa a ri ralo? Ri a zwi divha zwine zwa khou ya u bvelela. "Yone phalaphala ya Mudzimu i do lila huno vhafu kha Kristo vha do vuwa." Naa izwo ndi zwone? Vhoinwi vhane na khou i nwala phasi, kha Vhathesalonika ya u Thoma 4:16 na 17, "lone Ipfi," helo Ipfi lo vha li Ipfi la Kristo. Naa izwo ndi zwone? Lone Ipfi la Kristo!

Ngauri yone... phalaphala ya Mudzimu i do lila, huno vhafu kha Kristo vha do vuwa u thoma:

...riqe vhane ra khou tshila huno ro sala ri do tangana navho... u tangana na Murena tshikhalani: huno lwa tshothe ra vha na Murena.

¹⁴⁸ Lone Ipfi lithihi le la vhidza Yohane, "Ida nthā," helo Ipfi lithihi le la ri kha Yohane, "Ida nthā," ndi lone Ipfi lithihi line la do vhidza Tshivhidzo linwe duvha (Amen!), u vhidza Tshivhidzo.

¹⁴⁹ Na, lone Ipfi lithihi le la vhidza Yohane uri a de nthā, ndi lone Ipfi le la vhidza mufu Lazaro nnda ha vhida, ilo Ipfi lithihi la muruňwa muhulu. Kristo ndi Ipfi la muruňwa muhulu, "Ipfi la muruňwa muhulu," ni a vhona. Oo, ilo Ipfi la phalaphala la Kristo la vhidza Yohane uri a de, lone Ipfi lithihi le la vhidza Lazaro. Naa no dzhieila nzhele vhida la Lazaro, O amba nga Ipfi lihulwane. (Hu si tou ri, "Lazaro, vhuya murahu.") "*Lazaro, ida ngeno!*" La mu vhidza u bva vhafuni.

¹⁵⁰ Huno a fhindula, "Ndi fhano." Huno a bva vhafuni, nga murahu ha musi o fa huno muvhili wawe wo sina.

¹⁵¹ Ilo Ipfi lithihi kha Yohane, "Ida ngeno nthā, ndi dou sumbedza zwiňwe zwithu zwa khou lugela u iteya."

¹⁵² Ilo Ipfi lithihi line la do pfala musi vhafu kha Kristo vha tshi do vuwa, "Ngauri phalaphala..." Yone phalaphala! Naa phalaphala ndi mini? Lone Ipfi la Kristo, Onoyo muthihi we a pfala na u mu vhidzela nthā. O pfa Ipfi u nga phalaphala i tshi pfala huno ya ri, "Ida ngeno nthā!" Ni a vhona uri mvuwo i do vha hani? I do vha nga tshikhala, nga u bonya ha ito. Uho hu pfala hu khagala ha Ipfi, huno U do vhidza tshone Tshivhidzo, a tshi vhidza, "Ibvani khatsho." Ilo Ipfi lihulu line la vhidza. Mudzimu, nthuse uri ndi li pfe nga Ilo duvha.

¹⁵³ Vhunga ndo dzulela u amba... Ndi a divha, sa a faho, Rodney, ndi a zwi divha uri hu na munango mutswu wo vhetshelwaho nne, u vhidzwa lufu. Ngauri tshifhinga tshothe mbilu i tshi rwa, ndi u divhita huthihi tsini na munango. Linwe la haya mađuvha ndo do ya khawo. Fhedzi a thi todzi u tuwa sa tsilu, ndi tshi tzhemba na u ḥavha mukosi. Ndi ḥoda u ya kha hezwi, ndo di putela nga nguvho ya u luga Hawe, tshi divha hezwi: uri ndi a Mu divha kha maanda a mvuwo Yawe; uri linwe duvha musi A tshi vhidza, ndi do bvela nnda u bva kha vho faho; musi A tshi mmbidza uri ndi vhonle Nthā, musi phalaphala ya

Mudzimu i tshi do lila huno vhau kha Kristo vha tshi vuwa, arali ndi tshi khou tshila, ndi do shandukisa nga tshikhalanyna, nga u poidza ha ito, huno nda tuwa na vhañwe vhothe, nthia u tangana na Murena ngei tshikhala. Ilo Ipfi la phalaphala, mubumo uri khagala, nthia. Hmm. Oo, zwi do vha zwi fanaho, zwi fanaho kha u da Hawe.

¹⁵⁴ A hu na mubvumo u songo kunaho nga Hazwo. Ho vha hu si na tshithu tshi songo kunaho kha Yohane musi a tshi pfa Ipfi li tshi ri, “Ida ngeno nthia!” huno a da. Amen.

¹⁵⁵ Musi Lazaro, kha vhafu, kha vhiða; kha muya wawe, lwendo lwa maduvha maña huriwe fhethu, A thi divhi he zwa vha zwi hone, a thi humbuli uri hu na muñwe washu a no ralo. Hehefho he zwa vha zwi hone, a zwi ngo ita phambano na nthihi. O tou ita u vhidza huthihi kha munna we mbunngu dza muvhili dzo vha dzi tshi khou la muvhili wawe; a tshi nukha, kha vhiða. Hoyo mubvumo wa Phalaphala u re khagala wa ri, “Lazaro, bvela nnda!” Henefho munna, o fa na u sina, a didzinginyisa huno a bvela nda ha vhiða, a tshi khou tshimbila. A hu na tshi si na vhuñanzi nga hazwo, naa tshi hone, vhahashu? A hu na tshi si na vhuñanzi henefho!

¹⁵⁶ Ndi tshithu tshithihi madekwana a ñamusi, musi Ipfi li re khagala li tshi ri, “Muitazwivhi, shandukani, Ndi do ni fha Vhutshilo Vhu Sa Fheli.” Shandukani, muñwe na muñwe wa vhoiñwi, huno ni lovhedzwe nga Dzina la Yesu Kristo u itela khangwelo ya zwivhi zwañu, huno ni do tanganedza tshone tshifhiwa tsha Muya Mukhethwa. Ndi u vhidzwa. A hu na tshi si na vhuñanzi nga Hatsho.

¹⁵⁷ Ndi ñhanzi ya uri Izwo ndi ngoho. Hu na dziñwe ñhanzi, vha milioni vhavho u mona na shango ñamusi, ndi yone ñhanzi ya uri ndi Ngoho. Musi Bivhili i tshi da, one Maipfi a Mudzimu, Ipfi liñwe na linwe la Mudzimu ndi phalaphala. Mubvumo muñwe na muñwe wa Ipfi ndi phalaphala, yone phalaphala ya Mafhungomadifha. Huno musi A tshi pfala, ndi Ngoho. Musi A tshi ri, “Yesu Kristo, a fanaho mulovha, ñamusi, na lini na lini,” a hu na tshi si na vhuñanzi nga Izwo. Ndi a fanaho! Ee, muñe wanga.

¹⁵⁸ “Shandukani, ni lovhedzwe nga Dzina la Yesu Kristo, ni do tanganedza tshifhiwa tsha Muya Mukhethwa.” A hu na tshi si na vhuñanzi nga Izwo.

¹⁵⁹ “Uyo ane a pfa Maipfi Anga huno a tenda kha Uyo we a Nthuma u na Vhutshilo Vhu Sa Fheli. Uyo ane a tenda kha Nne, naho o fa u do tshila. Uyo ane a tshila huno a tshi tenda kha Nne ha nga vhuñi a fa. Naa ni a tenda izwi?” A hu na tshi si na vhuñanzi nga ha Hezwo, “U do tshila!”

¹⁶⁰ “Uyo ane a la ñama yanga huno a ñwa Malofha anga u na Vhutshilo Vhu Sa Fheli, huno ndi do mu vusa hafhu nga ñuyha la u fhedza.” A hu na tshi si na vhuñanzi nga Hazwo; a hu na; Ndi mubvumo u si na vhuñanzi.

¹⁶¹ Oo, ndi a Zwi ḋivha, ndo i pfa i tshi pfala kha yanga i ṭungufhadzaho mbilu ya mu Irish liñwe ḋuvha, nne, muitazwivhi wa kale. Naa zwi nga vhuya zwa nnyitelani nne? Fhedzi ndo tenda uri ho vha hu mubvumo u re na vhuṭanzi, nda U ṭanganedza. Ndi ḥanzi ya hezwo uri Ndi ngoho.

¹⁶² Liñwe ḋuvha U do ni vhidza hafhu, ri do ya nn̄da ha shango. Ngauri a hū na tshi si na vhuṭanzi nga iyo phalaphala. Ee, muñe wanga. Ee, muñe wanga, a hu na mubvumo u si na vhuṭanzi, tshifhinga tshiñwe na tshiñwe.

¹⁶³ U pfala ḥamusi musi A tshi ri vhidza, zwi tou vha zwi fanaho musi A tshi ri vhudza tshiñwe tshithu.

¹⁶⁴ Zwino, kha ri humele murahu kha ndimana:

*Huno a...vhonani, khuluñoni yo vhewa tadulu,...
(ndimana ya vhu2)...huno muñwe a dzula khāyo.*

¹⁶⁵ Dzhielani nzhele, “yone Khulunoni,” O dzula kha Khulunoni. O vha a si tsha vha murahu kha zwiñomambone zwino, kha lifhasi. Hone U Takuelwa Ṭadulu ho vha ho ḫa. O vha a Vhugalaní, o dzula kha Khulunoni Yawe. Ndi khou ḫoda inwi ni tshi dzhiela nzhele fhasi, ri do wanulusa na kha ndima ya vhu5, ho vha hu si kha Khulunoni ya khathutshelo. Ho vha hu si kha Khulunoni ya khathutshelo na khathihi, ho vha hu kha Khulunoni ya khañhulo. Ho vha hu si Khulunoni ya tshilidzi, ndi Khulunoni ya khañhulo ngauri mulilo na phenyo na mithathabo yo bvaho u bva khayo; a hu tshena, khathutshelo tsho fhela, tshone tshikhathi tsha Tshivhidzo tsho fhela. “Uyo wa tshika ndi wa tshika zwenezwo; uyo wa u luga ndi wa u luga zwenezwo; uyo are mukhethwa ndi mukhethwa zwenezwo,” a hu tshe na Khulunoni ya khathutshelo.

¹⁶⁶ Madekwana a ḥamusi, one Malofha o dzula kha iyo Khulunoni huno ndi tshidzulo tsha khathutshelo kha muitazwivhi muñwe na muñwe ake a khou ḫoda khathutshelo. Fhedzi nga ilo ḋuvha, i nga si vhe tshidzulo tsha khathutshelo zwenezwo, tshi do vha tshidzulo tsha khañhulo na Mudzimu o kwataho o dzula heneffho. “Hune...Arali vho lugaho vha tshi tshidzwa zwo konda, naa muitazwivhi na a sa tendi vha do ima gai?” Na musi A tshi da kha makole a u vhugala Hawe, dzone dzithavha dzi do lingedzwa u wana fhethu ha u dzumbama. Naa ri khou ya u dzula gai, zwenezwo?

Oo, tshi elelaho ndi itsho tshisima
Tshine tsha ntshenisa sa mahada;
A hu na tshiñwe tshisima tshine nda ḋivha,
A hu na nga nn̄da ha Malofha a Yesu.

¹⁶⁷ Yawee, nne nne, ngudo-de nandi! A hu na mubvumo u si na vhuṭanzi! Huno Khulunoni Yawe:

...huno A dzula kha khuluñoni Yawe. (Ha tsheeho heneffho.)

¹⁶⁸ Zwino, ndi tshiñwe tshithu, ndi vhuñanzi uri Tshivhidzo tsho takulelwa n̄tha phanda ha Mañupho Mahulu. Ni a vhona? Ndi ngani? Hafha U kha Khulunoni kha Vhugala, huno Tshivhidzo tsho ḥuwa, huno zwenezwo ha dzhena Mañupho.

¹⁶⁹ Ndo dzulela u amba uri mađuvhani a Noaxe, Noaxe o vha a gungwani phanda musi shotha lithihi la mvula li tshi wa. Loto o vha a n̄nda ha Sodoma phanda ha musi mulilo u tshi wa. Huno na Tshivhidzo tshi do vha tshi Vhugalani phanda ha musi athomo dzi tshi wa. Ndi zwone, phanda ha musi athomo dzi tshi wa.

¹⁷⁰ Ni ri, “Mini-ha nga ya u thoma?” Yo vha i kha vhahedeni, hu si Vhakriste.

¹⁷¹ Zwino, dzhielani nzhele. Oo! O fhedza yone mishumo Yawe hafha kha lifhasi huno O dzhiya Tshivhidzo Tshawe, huno zwino U rumela khañhulo. Lone shango li A mu hana, huno U rumela khañhulo Dzawe. Ene na Tshivhidzo Tshawe tsho ya Vhugalani.

¹⁷² Yohane, hehefho kha tshiñangadzime tsha Patimosi, ene mudzungbululi kha thsivhidzo, o vha tshifanyiso tsha Tshivhidzo tshe tsha takulelwa n̄tha kha Vhugala, “Idani ngeno n̄tha!” U sumbedza . . .

Ni ri, “O imela Tshivhidzo?”

¹⁷³ Kha muñwe na muñwe ane a pfa heli Ipfi, Yohane o mu imelela. Ame! Yohane muimeleli wa Malofha a Yesu Kristo, vhuñanzi ha Ipfi. O vha a ḥanzi ya ndovhedzo ya Muya Mukhethwa, na vhuñama ha muthu nga eþe na Kristo, huno o imelela tshone Tshivhidzo tshoþe; izwo, munna muriwe na muñwe na musadzi, mutukana kana musidzana we a vhuya a tenda kha Kristo, u Mu ḥanganedza kha maga mathihi, u do vhidzwa linwe duvha, “Ida ngeno n̄tha!” u takulelwa n̄tha phanda ha Mañupho. Elelwani, tshone tshifhinga tsha Mañupho a tshi athu dzhena.

¹⁷⁴ Hetshi tshi tshi vha tshifhinga, u dzula ha khañhulo. Yohane u khou sumbedziwa zwine zwa do iteya nga murahu ha tshikhathi tsha Tshivhidzo. Ni a vhona? Ngauralo, zwo vha zwo ralo.

¹⁷⁵ Zwino, dzhielani nzhele hafhu kha ndimana ya vhu3, kana ya vhu2, “Yone Khulunoni yo vhewa Taðulu, huno Muñwe o dzula kha Khulunoni.” Zwino, wone Muya muthihi we wa vha u kha lifhasi, wo no ḥuwa huno wo ya Vhugalani, huno wo vha wo dzula (ene Yesu muthihi a na riñe madekwana a ñamusi) kha khatutshelo, o vha o ya Vhugalani nahone o dzula kha Khulunoni.

*Huno uyo o dzulaho kha Khulunoni o vha a tshi
vhonala sa jasipere na . . . tombo la saradisi: huno ho vha
hu na musengavhadzimu u mona na nga kha khulunoni,
kha yone mbonalo i no nga emeralidi.*

¹⁷⁶ Ndi khou ya u litsha, ngauri hu na vhañwe vhakomana vhane vha khou ya u funza.

Khamusi ndi do doba hezwi nga matsheloni, hanefha. Huno ngauralo, “u vhonala sa emiralidi.” Yawee, nne nne! Yawe!

Hu na vhathe huiwe na huiwe,
Vhane mbilu dzavho ndi mulilo (Naa a ni funi izwo?)

...nga mulilo we wa wa nga Pentekoste,
We wa vha ḥanzwa nahone wa vha ita vho kunaho;

Oo, u khou duga zwino mbiluni yanga,
Vhugala kha Dzina Lawe!

Ndo takala nga maānda uri ndi nga ri ndi muñwe wavho.

¹⁷⁷ Yohane, o vhidzwa na u vhulawa nga Murena Yesu, fulufhedziswa nga Mudzimu heneffo murahu uri u do vhona u vhuya ha Murwa muthu. Petro, Yakobo, na Yohane, na avho vho ima heneffo, musi Yesu a tshi amba navho huno a ri, “Hu na vhañwe vho imaho hafha vhane vha nga si thetshelle lufu u swika vha tshi vhona Murwa muthu a tshi vhuya.” Ha ngo ri “vhothe” vha vho ima heneffo, fhedzi “vhañwe.” Huno vha ṭuwa, mađuvha a si gathi nga murahu ha hezwo, huno vha vhona nzunzanyo ya mvuwo i tshi dovhololwa, na u vhuya ha Murena.

¹⁷⁸ Eliya o imela vhakhethwa vho faho...ndi khou amba Mushe, huno a vuswa. Eliya o imela tshigwada tsho shandukiswaho. Elelwani, Mushe o vha a wa u thoma, huno zwenezwo Eliya. Eliya o vha a tshi teya u vha mudinda wa duvha la u fhedza u ri ngaye na tshigwada tshawe hu do da mvuwo...hu do da...zwo ralo, hu do da U Takulelwati Tađulu, ndi khou ralo. Mushe o disa yone mvuwo huno Eliya a disa tshigwada tsho Takulelwaho nt̄ha. Huno, heneffo, vhothe vho imeelwa heneffo.

¹⁷⁹ Huno nga murahu ha tshifhinganyana vha vha dzhiela nzhele, huno vha vhona, huno Petro a ri, “Kha ri fhaṭe thumba tharu. Irani vhañwe vha ye fhasi ha mulayo, huno irani vhañwe vha ye fhasi ha Eliya, huno kha ri ye (vhañwe vhavho) *heyi ndila*.”

¹⁸⁰ Huno vhañwe vhavho musi vha tshi kha di amba, lone Ipfi la amba la ri, “Hoyu ndi Murwa Wanga ane nda mu funa, nu Mu pfe.” Huno musi vha tshi sedza, vha vhona Yesu fhedzi, zwothe zwo vha zwo no vha Tshithihi. Oo, huno O vha a Tshedza, yone Ngoho, yone Ndila, wone Munango, wone Musengavhadzimu.

¹⁸¹ Oo, matshelo ri na ngudo khulwane, ene Murena a tshi funa. Matshelo ri dzhiya “dzone khathulo”; ri dzhiya “lone tombo la saradini,” ni vhone zwine la imela, ndi tshifhio tshipida tshe zwa tamba. Huno ri dzhiya tshone—tshone—tshone “jasipa” nahone ri dzhiya...matombo othe o fhambananaho, huno ri dzhiya

hezwi zwēthe u tsa na Hezekiele, murahu kha Genesi, murahu kha Nzumbululo, u tsa fhasi vhukati ha Bivhili, ra zwi ūuma zwēthe, haya matombo o fhambanaho na mivhala, na zwinwe zwinzhi. Huno zwenezwo ri zwi vhuisa murahu kha Hezwo huno ra vhona arali izwo zwi songo luga. Ni a vhona? Na vhona arali u si muvhala muthihi na tshiñwe na tshiñwe, tshithu tshi fanaho. Huno na Muya Mukhethwa u fanaho, ene Mudzimu muthihi, a tshi sumbedza zwiga zwithihi, madembe mathihi, a tshi ita zwithu zwithihi vhunga O fulufhedzis!

¹⁸² O vhudza Petro, Yakobo, na Yohane, na avho vho ima hehefho, vhafunziwa Vhawe vhothe, a ri, "Vhañwe vha vhoinwi a vha nga vhonilufu u swika vha tshi vhona Murwa muthu a tshi da kha Muvhuso Wawé."

¹⁸³ A ri kha Yohane, a ri... Petro a ri, "Naa U khou ya u ita mini ngaye? O... Uyo—uyo muthu, naa hu khou ya u iteya mini khaye?"

¹⁸⁴ A ri, "Naa ndi mini kha vhoinwi arali a vhona Nñe ndi tshi da?" Huno A nditsha nda tshila u zwi vhona! Nga murahu ha musi vhañwe vhothe vho fa na u ūwa, Yohane o tshila u vhona u vhuya ha Murena hu tshi dovhololwa nga maanda, vhupo hothe ha vhewa u bva kha tshifhinga tshawe u swika Khañhulo i tshi fhela na wone Nwahagidi wo dzheniswa ngomu. Yohane o vhona tshiñwe na tshiñwe tshazwo, na Nwahagidi u tshi fhela, na Tshikhathi tsha Muvhuso tshi tshi thoma. Ngauralo U a vhulunga Ipfi Ławé, naa Ha ralo?

¹⁸⁵ Ri do swaya kha ndimana ya vhu². Ene Murena a tshi funa, ri do thoma ndimana ya vhu³ nga matsheloni.

Kha ri kotamise zwifhañuwo zwashu.

¹⁸⁶ Naa ndi vhangana madekwana a ñamusi, kha hetshi tshivhidzo, vhane vha ñiñwa, mukomana wanga, u ri, (khaladzi), uri ni khou ya u vhidziwa ñiñwe ñuvha, kana no lugela kana hai? Kana no lugela kana hai, ni khou ya u vhidziwa u tangana na Mudzimu. Yone phalaphala i khou ya u lila; huno musi i tshi ralo, i do pfala sa khañhulo kha inwi, kha hune a ni tsha do tshila hafhu huno ni do shengedzwa kha migodi ya diabolo ya hele khamusi lwa miñwaha ya milioni, kana zwi do ni vhidzela N̄tha u tangana na Vhakhethwa vhavhuđi.

¹⁸⁷ U tou vha na vhuñanzi sa Mudzimu o vhulunga Ipfi Ławé kha Petro, yakobo, na Yohane; u tou vha na vhuñanzi sa vhunga O Łi vhulunga kha Yohane ene mufuñwa, ene mudzumbululi; u tou vha na vhuñanzi vhunga O vhulunga pfulufhedziso Yawe nga kha zwikhathi zwa tshivhidzo; ndi zwa vhukuma naa uri O fulufhedzisa nga haya maduvha a u fhedza uri U do rumela fhasi nga mvula ya u fhedza huno u do ñisa murahu wone Muya muthihi we wa vha u kha ñifhasi Khaye, tshone Tshedza tshi do da nga tshifhinga tsha madekwana huno vha sumbedza one Maanda mathihi, zwone zwiga zwithihi, na tshiñwe na tshiñwe

tshine O tshi ita nga duvha Lawe U do zwi sumbedza hafhu kha hoyu “Munago wo vuleyaho” nga mađuvha a u fhedza.

¹⁸⁸ Hafha Khezwi! Ri nazwo na riñe zwino, wone Muya Mukhethwa, Yesu Kristo, a sa shanduki, mulovha, na lini na lini. Ni khou... Zwi khou funza kha imwi, Zwi khou gudisa kha inwi, Zwi khoulingedza u ni ita uri ni vhone zwi re zwone na two khakheaho. Ndi wone Muya Mukhethwa Ene muñe a tshi amba nga kha meme dza muthu, a tshi shuma nga kha vhathu, a tshi lingedza u sumbedza khathutshelo na tshilidzi.

¹⁸⁹ Huno a ni athu Mu ḥanganedza, huno kha haya Madekwana a u tshela Nwaha Muswa Naa ni nga takalela u imisa tshanda tshañu kha Mudzimu huno na ri, “Mudzimu, irai ndi ḥanganedze Maanda e a vha a kha Yohane ene mudzumbululi, uri musi ndi tshi vhidzwa ndi do vhonala phanda Hau nga mulalo vhunga o ralo”? Imisani tshanda tshañu. Mudzimu a ni fhaṭutshedze. Mudzimu a ni fhaṭutshedze. U tou mona na tshivhidzo. Mudzimu a ni fhaṭutshedze. “Irai ndi vhe o lugelaho u fhindula u vhidzwa hanga.”

¹⁹⁰ Khotsi ashu wa Tađulu, vhunga haya Madekwana a u tshela Nwaha Muswa... u tou vha awara mbili zwino u swika u tshi fhela, hu do vha na nwaha muswa. Zwine ro ita uno nwaha ro zwi ita. Zwithu zwinzhi zwine ndo ita, zwine, ndi a di shona ngazwo; ndi a shanduka kha hezwo, Murena.

¹⁹¹ Huno hu na zwithu zwinzhi zwine ndo ita zwine vhunzhi ha vhahashu a vho ngo zwi pfectesa. Vhunzhi ha vhakomana vhanga kha midavhi a vha pfectesi uri ndi ngani ndo zwi ita. Fhedzi, Khotsi, ndo zwi ita ngauri ndo rangiwa phanda u zwi ita. Ndi a rabela, Khotsi, uri A u nga ntendeli nda shona uho u ranga phanda. Fhedzi nthange phanda, Murena, u isa phanda na u ita vhunga ndo rangwa phanda u zwi ita. Nthuse, Mudzimu, ngauri ndi a ḥoda zwi mbiluni u ḥiyha lufuno Lwau, uri ndi zwi ite u disa (sa vhunga Wo ntsumbedza miñwaha minzhi yo fhiraho musi ndi tshi ḥutshela hetshi tshivhidzo) tshone Tshinkwa tsha Vhutshilo kha vhathu vha shango. Musi ndi tshi vhona iyo thavha khulwane ya Tshinnkwa, na avho Vhakhethwa vho ambara tshena vha tshi bva u mona na lifhasi lothe u la hetshi Tshinkwa tsha Vhutshilo. O Mudzimu, ntendele—O Mudzimu, u songo vhuya wa ntendela, ntendela ndi tshi kundelwa u kanzwa vhathu kha Tshinkwa tsha Vhutshilo.

¹⁹² Fhaṭutshedza mimuya i na ndala ngomu hafha ye ya imisa zwanda zwayo zwino. Vha khou ḥoda Vhutshilo vhunzhi. Ndi a rabela uri U do vha ḥadza nga Muya Mukhethwa, Murena, muñwe na muñwe wavho. Mudzimu, zwi tendele. Vha neye phaṭutshedzo. Nthusa vhahashu, huñwe na huñwe.

¹⁹³ Fhaṭutshedza vhakomana vha vhashumeli vhane vha khou lugela u da hafhu, zwino nga tshikhalanyana, vhañwe vha do vha vha tshi khou amba. Ri arabela u do neya Tshinnkwa tsha

Vhutshilo kha rine madekwana a ḥamusi, Khotsi, vhunga ri tshi thetshelesa zwavhuđi na u dzika ri tshi pfa Ipfi. Zwi tendele.

¹⁹⁴ Ri fhaṭutshedze. Huno ngavhe hoyu ḥwaha muswa u tshi da na mafulufhelo maswa, u tshi ḫisa ngelekanyo ntswa, nzumbululo ntswa, maanda maswa, oo, tshiňwe na tshiňwe. Ngavhe zwi tshi vusuludzwa nga huswa kha rine, Murena, nga ha phathutshedzo Dzau, na pfulufhedziso. Ri a ḫi kumedzela, nga thabelo, kha zwanda Zwau. Nga Dzina ḫa Yesu Kristo. Amen.

Ndo livhuwa, vhahashu na dzikhalađzi.

¹⁹⁵ [Mukomana Neville u ya amba: “Ndi na vhutanzi ri nga takala ro vha ri songo dzhaya na luthihi huno ro vha ri tshi do takalela u isa phanda na u thetshelesa; kha Mukomana Branhamma hafha madekwana a ḥamusi a tshi ri ḫisela mulaedza. Huno ndi wone mulaedza une wa ri ṭutuwedza naguri ri a zwi ḫivha uri Mudzimu u khazwo. Amén.”—Mudz.] Rendani ene murena! [“Huno zwe A amba U ya kona na u fhirisa u zwi bveledza na kha u vhuya Hawe hafhu.”] Ee. [“Huno U do zwi ita, hu si hezwo fhedzi, ndo dzulela u amba uri... ri amba kanzhi kha vhathu, ‘Naa ni a tenda uri Yesu Kristo a nga ni fhodza?’ huno, a hu na zwinwe, kanzhi ni vha wana vha tshi tendelana nazwo. Fhedzi tshithu tshazwo ndi uri, naa ni a tenda uri U do ni fhodza zwino?”] Amen! [“Zwenezwo tshiňwe tshifhinga vhathu vha ri, ‘Zwo ralo, a thi ḫivhi.’ Ene mufumakadzi we a tou lovha ngei sibadela; ndo ya nda mu vhona, nda ri, ‘Khaladzi, naa ni kha ḫi tenda uri Yesu Kristo u ya tshidza?’ A ri, ‘Ee, ndi a ralo.’ nda’ ri, ‘Naa ni a tenda uri Yesu Kristo u ya fhodza?’ A ri, ‘Ee, muñwe wanga, ndi a ralo.’ Nda ri, ‘Naa ni a tenda U ya ni fhodza zwino?’ A ri, ‘Izwo a thi na vhutanzi nazwo.’ Huno nda ri, ‘Khaladzi, ni nga zwi ḫivha pfulufhedziso i kha inwi.’”] Amen! [“Amen. O ita pfulufhedziso. Zwino, musi ri tshi khou ya u pfa muñwe wa vhakomana vhashu hafha. Ri na vha si gathi u mona huno hezwi... Kha Madekwana a u tshela Nwaha Muswa, a ri na mbekanyamushumo yo dzulaho yo lugiswa. Ri tou kuvhangana huno ra tendela Mudzimu a tshi tshimbila vhunga A tshi ri ranga phanda.”] Ame! [“Huno ni a ḫivha, zwo no vha tshifhinga tshilapfu u bva tshe ra pfa Mukomana Pat Tyler huna a ḫeya vhutanzi hawe kana tshiňwe na tshiňwe tshe Murena a tshi vheya mbiluni yawe. Huno ri khou ya u humbela Mukomana Pat uri a ḫise tshiňwe na tshiňwe tshire Mudzimu a vheya mbiluni yawe. Fhedzi phanda ha musi a tshi da, ene mukomana a re Mukriste wavhuđi murahu hafho, Mukomana Randall Hyman, huno u fhano huno u na tshifhiwa tsha Murena tsha u imba huno ni a ḫivha. Ndo tou mu takalela uri a kone u shumisa itsho tshifhiwa kha Vhugala ha Mudzimu, ngauralo ndi khou ya u humbela Mukomana Randall arali a tshi nga da a ri imbelo. O no ri imbelo luthihi kana luvhili hafha ndi khou ya u mu humbela u shumisa itsho tshifhiwa hafhu madekwana a ḥamusi u itela Murena Yesu, arali a tshi do ralo. Arali a tshi nga da

zwino u ri imbela. U na vhañwe vhaswa murahu heneffho ane a khou vha thusa u vha londota, fhedzi khamusi a nga ḥuwa zwino uri a de a ri imbele. Musi a tshi khou ita hezwo, ri kha divha na Mukomana Kinder murahu hafha; mukomana a funeaho wa Mupentekostała, ri a mu livhuwisa. Huno ri na Mukomana J.T. Parnell murahu heneffho huñwe fhethu. Ndi humbula uri o dzula murahu hafha nga nnda ha muduba. Huno a nga takala nga havha vhakomana vhavħudi vha Vhakriste. . . ”] Beeler heneffho. [“. . . vhakomana vha lutendo huno kha ri vhone.”] Mukomana Beeler murahu heneffho. [“Mukomana Beeler murahu hafha, naye. Ee, Mukomana Beeler u fhano huno. . . ”]



NZUMBULULO, NDIMA YA VHUNA TSHIPIDA TSHA I TSV60-1231
(Revelation, Chapter Four Part I)
MILAEDZA YA NZUMBULULO YA YESU KRISTO

Hoyu Mulaedza nga Mukomana William Marrion Branham, u rangani wo ḥewa nga Tshiisimane nga madekwana a Mugivhela, Nyendavhusiku 31, 1960, Thaberenakejeni ya Branham ngei Jeffersonville, Indiana, U.S.A., wo dzhiwa kha rekmodo ya theiphi ya maginete huno wa gaṇdiswa u songo pfufhifhadzwa nga Tshiisimane. Heyi ṭhalutshedzo ya Tshivenda yo gaṇdiswa huno ya phaḍaladzwa nga vha Voice Of God Recordings.

TSHIVENDA

©2021 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuɬuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org